

Roma

Paulo âiŋaet keiŋe.

¹ Galalupne, nâmâ Paulo Yesu Kristogât hon bawa manman. Nâ âmâ Kristoŋe menekmâ aposolo nogonmâ Anutugât pat âlep den mak-tere ârândân akmâ ariâkgât mem kepilânegep.

² Akto Anutugât den pat âlep are âmâ Anu-tuŋe tâmbâŋe dondâ propetelupŋe makyengimbo kulemgoyi.

³ Kulemgoyi aregât keiŋe amâ Anu-tugât nanŋe miawagep. Yâk âmâ hâk olop mi-awakmâ Dawidigât hakulupŋe yâk yengâlânba mi-awagep.

⁴ Gârâmâ Heak han kau kau akmap arekŋe kârikŋe akmâ yâk amâ Anutugât nanŋe hain miawakmâ maknengiep.

Aregât keiŋe mo-monânba agalewân miawakmâ tek tekŋân mi-awakto âmâ Yesu Kristo amâ Humonenŋe dâm nâŋgâyion.

⁵ Yâkŋe âmâ han kalem aknengim aposologât âi nengiep. Nengim âmâ yâkgât kotŋe patŋe ariâk gât akto hânŋe hânŋe arim hârok makyengiennŋe bikŋande nâŋgâm Yesu nâŋgaŋmâ aregât launŋe lokowaigât âi nengiep.

⁶ Akto Anutuŋe Yesu Kristogât kâmot miawagâk dâm oloŋyegep yâk yengâlânba ye gai hainâk oloŋyegep.

⁷ Roma kepiŋan gâtŋe Anutuŋe han kalem akyengim nâŋgât kâmot dâm yengonlep. Yengât âmâ hin ulilaŋdân. Ewenenŋe Anutu akto Humonenŋe Yesu Kristo han kalem akmâ damun yengim akbela han kalem akto lumbe yengâlân hâtikom yendo biwiyeŋe sândugewiâp. Hain.

Pauloŋe Roma luâk âmbâle yekberâm magep.

⁸ Galalupne yeŋe Yesu nânğanmâ kepilâm manmai, aregât pat sambelembo nânğâmbiâ ârândân aktâpgât Yesu Kristogât akmâ nâ Anutu mepaiŋe mem mandân. ⁹ Nâ Anutugât nanjaet pat âlep den makmâ hannande Anutu manajdere keine nânğâp gât yâkgât metenân den ire makyengire nânğânet. ¹⁰ Nâ hokboâk hokboâk yengât akmâ Anutu ulilaŋman. Akto Anutuŋe nânğâmbo ârândân akto dâp peneniŋdo yengâlân togowian a gai ulilaŋman. ¹¹ Nâ togom ye yekbiangât nânğâm mandân. Togom yekmâ han biwiyeŋe yeuk agep aregât owâiwaigât meme akyengire kârikŋe kinmâ manjetgât makyengim tânyenguwian. ¹² Tânyengum âmâ nâ yengâlân manmâ tatere Yesu nânğanmâ manmaengât maganji goanji akmâ tân agu agu akmâ manbaen.

¹³ Galama, nânğât keine pâpkowâigât hin makyengiwe. Nâ luâk kâmotŋe kâmotŋe bikŋe bikŋe arim makyengim mandere bikŋande nânğâmbiâ âinaet bunŋe âlim yiepgât miawakniŋep. Are hainâgâk yengâlân togom makyengire âigât bunŋe miawakniŋbiap gât nânğân. Gârâmâ togowerâm akmâ malân ain siâ siâ bikŋande hikonekto bo togoân. ¹⁴ Dâ nâŋe luâk hârok, Girik luâk akto Anutu bonânğanmai akto nânğâ nânğâ luâk akto koparŋe hârok makyengiwan gât âi tatniŋdâp aregâlâk nânğân. ¹⁵ Aregât Roma luâk ye hainâgâk pat âlep makyengiwerâm hannande owâim manman. ¹⁶ Nâ den pat âlepgât akmâ anunŋe olop bo akman. Akmâ nânğare anunŋe olop bo akmap. Den pat âlepŋe amâ

Anutugât kârikneje olowâk arekne luâk âmbâle Yesu nângaŋbiâ ârândân mem menjâleyekbiap, Yuda luâk a soŋ akto Girik luâk hârok. ¹⁷ Den pat âlep arekne âmâ Anutugât ârândân dâp mem miawakmâ tek tekŋân miawakmâ katmap. Âmâ hin. Yesu nângaŋbiâ âmâ Anutuŋe yekto ârândân akbiapgât keiŋe. Akto nângaŋbiâ Anutugât ârândân dâp yem âgâwip. Aregât Anutuŋe makto kulemgoyi bikne hin tatâp, Anutuŋe yekto ârândân akmap yâkne âmâ Anutugâlâk nângaŋmâ manmâ âgâwai.

Luâk hârokne Anutu hamianji.

¹⁸ Anutugât kuk miawakmap aregât keiŋe hin. Luâk âmbâleŋe âmâ Anutu hepunmâ bâleŋe akmâ den bunŋe bo agâkgât kei dâpŋe gulip komai. Aregât Anutugât kukŋande himbimân ba miawakyenŋimap. ¹⁹ Akto Anutuŋe ikiŋe keiŋe bikne tektekŋân mem miawakyenŋimapgât ekmâ nâŋgâmai. ²⁰ Âmâ Anutuŋe hân liulewânbak Anutugât keiŋe luâkne bo ekmai are akto keiŋe kârikne manmâ âgâwip are akto ikiŋe keiŋe pagaleŋe are hârok miapŋân tatmap. Are âmâ wan me wan Anutuŋe mângim ketuguep arekne hekatnengimap. Aregât luâk âmbâle hârokne nen Anutugât keiŋe bo nâŋgâmaen dâwaigât dâp bo tatâp. ²¹ Luâk âmbâle hainare âmâ Anutu mandâp nâŋgâmai. Gârâmâ imâ Anutu Humo dâm bo kânŋoanmai akto mepaiŋe bo meanmai. Anutu hamianmaigât nâŋgâ nâŋgâ yeŋe gulip akmap akto biwiyeŋe hândâkne katip yenŋumap. ²² Akto ainba hin dâmai, “Nen nâŋgâ nâŋgâ nenŋe humo aktâp.” dâmai âmâ nâŋgâm hilipkomai.

Nângâm hilipkom sinduk akmâ manmai. ²³ Hain akmâ manmâ Anutu manman kârikņe yâkgât pagaleņe hâkâņ akmâ âmâ aregât dumnân tukup siâ ketugum luâk momai yengât otneyeņe me lâut gât otneņe me songo gât otneņe me mulumgât otneņe mângim âmâ are nângâmbiâ humo akto pâwut ligiyengimai. ²⁴ Hain akbiâ Anutuņe yekmâ hâkâņ akyengimbo hanyeņe egâlian gulip bâleņe akmâ han hâkyeņe mem bâlimai. ²⁵ Yâkņe Anutu bundâk amboņe hamianmâ âmâ hiangimaigât nângâmbiâ humo akmap. Hain akto Anutuņe wan me wan yân liulep are nângâmbiâ bunņe akto hon agaņmai gârâmâ wan me wan aregât Amboņe amâ hâkâņ akmâ hamianmai. Amâ Anutuņe egâlian olop manmâ âgâmbo nângaņdenņe humo akmâ âgâwipgât ârândâņ akmap. A bundâk. ²⁶ Gârâmâ luâk âmbâle are Anutuņe hepunyekto egâlian bâleņe dondâ penianmai. Hain akto âmbâleņe luâkdâ âmbendâ aregât agak meme âlepņe are hepunmâ âmbâleâk egâlianmai. ²⁷ Akto luâk hainâk luâkdâ âmbendâ manman hâkâņ akmâ hanyeņe egâlianğât kâlâp humo ondo luâgâk yekmâ egâlianmâ agak meme bâleņe agaņgimai. Aregât han biwiyeņe hilip komapgât hâuņe Anutuņe hâkyeņân pando hâk hilâlâm nângâmai. ²⁸ Hain akmâ manmâ âmâ Anutugât keiņe nângâmai are hâkâņ akmâ manmaigât Anutuņe hanyeņe gisap kombo siâ me siâ bo agakņe are âmâ akmai. ²⁹ Hain akmâ siâ me siâ bâleņe keiņe keiņe membiâ âgâmap. Bâleņe akmâ egâlian bâleņe akmâ hanyeņân bâleņeâk nângâm galagât nângâmbiâ gembo kuk hengân akmâ luâk bikņe

yenğumbiâ moyi dâ bikne yenğât kotyeñe mem bâlimai. Akto galagât hogo hogo akmâ hamiñângen makmai. ³⁰ Hain akmâ luâk siâgât agak meme âlepne ekbiâ gembo hiangi den makbiâ kotne gemap. Hain akmâ Anutu gasa agañmai. Akto âgâ âgâne akmâ yeñe hâk mem agatmâ bâlenjaet dâp egâlianmai. Hain akmâ ewe memelupyenjaet den komai. ³¹ Hain akmâ han nângâ nângâ bâlâk manmâ Anutu bo nânganmâ âmâ han kalem bâlâk manmai. ³² Hain akmâ âmâ Anutugât den ârândân kârikne yendâp amâ luâk me âmbâle hain akbiâ âmâ momogât dâp miawakyeñgiwip gât den are nângâm metembiâ hanâk dâm bâleneâk manmâ âgâmai. Akto areâk bo. Bikñande hainâk akbiâ nângâmbiâ humo akto herone akyenğimai.

2

Bâlenjaet hâuñe hamepne.

¹ Aregât gâ yu kulengoân are oyanmâ nâ hain bo akman dât mon? Hain bo. Yeñe hain are akmâ siânba hâkyeñe tunbiâ âmâ bo ârândân akmap. Akto yeñe siânba hâkyeñe tunmâ agak meme bâlene hainâk mem âmâ yeñe hâkyeñe tunanğiwai. ² Anutune luâk âmbâle bâlene akmai denân katyekmâ hâuñe umatne yengimbo âmâ ârândân akmap nângâmaen. ³ Aregât gâ luâgâk aregât luâk bikne yenğât dosa makmâ hâkyeñe tunmâ areâk akmat gârâmâ agak meme bâlene hainâk akmat. Aregât nâ Anutune gâunniñmâ âmâ umatjân bo katnekbip dâmat mon? Hain bo. ⁴ Anutune han kalem akmâ unsambe akginmâ bo hâkân giñmap aregât hâkân akmâ manmat mon? Anutune gâ

hange purik kat dâm han kalem akgiṇmap are bo nâṅgâm kotgâmat mon? ⁵ Gârâmâ gâ han kârik akmâ hange bo purikatmenâ âmâ Anutugât kuk metṇe ârândân are miawakbiawân ain om bâligekbiap. ⁶ Aregât sopṇân Anutuṇe luâk âmbâle agak meme nenjaet dowân hâuṇe nengiwiap. Hain. ⁷ Luâk âmbâle bikṇande âmâ pagalenjaet pat akto Anutuṇe nenekto huraguâkgât manman kârikṇe egâlianmai are Anutuṇe manman kârikṇe yeṅgiwiap. ⁸ Dâ luâk âmbâle bikṇe âmâ den kautṇe bunṇe hâkân akmâ âmâ bâleṇe mem manne dâm yeṇjaet nâṅgâmbiâ humo akmap yeṅgâlân âmâ kuk metṇe bâleṇe miawak yeṅgiwiap. ⁹ Bâleṇe meme luâk hârok Yuda luâk soṇ akto Yuda gâtṇe bo manmai gai yeṅgâlân sik sererek metṇe akto hamep humo miawakyeṅgiwiap. ¹⁰ Gârâmâ ârândân akmâ manbai hârok Yuda luâk are akto Yuda luâk bo manmai yâk Anutuṇe pagaleṇe yeṅgimbo biwiyeṇe sândugembo patyeṇe ârândân akmâ âgâwiap. ¹¹ Are amâ Anutuṇe yeṅgiep. Anutuṇe amâ horat gorat bo akmâ potat yekmap.

¹² Akto luâk âmbâle bikṇe Anutugât den kârikṇe Moseṇe kulengoep den are bâlâk manmâ âmâ bâleṇe memai amâ yâk hârok den kârikṇe bâlâk bâlim metewai. Dâ den kârikṇe olop manmâ bâleṇe memai yâk hârok den kârikṇeṇe agak memeyeṇe mem miawakyeṅgim den âiân makmâ katyekmâ kotgâyeṅgiwiap. ¹³ Aregât keiṇe hin. Anutugât den kârikṇe yân ondop yeṇân nâṅgâwai yâk âmâ Anutuṇe yekto ârândân bo akmap. Gârâmâ nâṅgâm lokomai yâk âmâ ye ârândân dâm makyēṅgiwiap. ¹⁴ Akto Yuda luâk âmbâle bo

manmai yâk den kârikne bâlâk manmai gârâmâ hanyenande den kârikne lokom âmâ den kârikne bâlâk arekne den kârikne olop tirip hainare akmai. ¹⁵ Hain akbiâ âmâ den kârikne han biwiyenân yonâk talep aregât keiye miawakmap. Akto hanyenân tuk tuk koyengim âmâ nângâ nângâyenande purik gurik akmâ siân kotgâ akmap dâ siân makmâ mulunyekmap. ¹⁶ Are amâ sop humoân âmâ Anutuje Yesu Kristo agando han nennân siâ me siâ tiwân yendâp aregât keiye mem tekteknân miap katbiap. Aregât keiye amâ nâ den pat makyengiman a hainâk tekteknân miawakbiap. Hain.

Yuda luâk âmbâleje Mosegât denje bo lokoyi.

¹⁷ Akto Yuda luâk gâ hin dâmat mon? Nâmâ Anutuje menekmâ ikiye den kârikne are niyep gât nângâre humo aktâp dâmat aregât hin makginbe. ¹⁸ Gâ Anutugât lau den nângâmat akto bikjande den kârikne aregât keiye makgini aregât ire agakne ire bo agakne nângâm potatmat. ¹⁹ Hain akmâ âmâ gugaet hin dâmat, “Nâ dewun yeje bokbokne manmai are âlepne kewugu yekmâ dâwân kat yekman, akto hândâknân manmai are âlepne mem pagaleyekman, ²⁰ akto luâk han kopane are âlepne manmâ miwindik yekman akto nanan siâ me siâ âlepne dâp hekat yengiman, akto den kârikne aregât keiye amâ nângâ nângâ akto den bunje aregât keiye tatmap dâmat mon?” ²¹ Gâ hain makmat aregât luâk âmbâle bikne makyengim âmâ guge biwige bo maganmat. Gâ kâmbu bo mem dâm makyengimat guge kâmbu akmat mon? ²² Luâkdâ âmbendâ bo hepun aknet

dâm makyengim benje gâ âmbenge hepunmat mon? Gâ lâpio sârekomatje lâpio opmânjaet siâ me siâ kâmbu memmat mon? ²³ Gâ Anutugât den kârikje nângâman dâmat amâ bo lokomat aregât bikñande gekmâ Anutugât den nângâmbiâ gemap. ²⁴ Aregât Anutugât den kulemgoyi bikje hin tatâp, “Ye Yuda luâk âmbâleje bâleje akbiâ aregât Yuda luâk âmbâle bo manmai arekje yekmâ Anutugât kotje makmâ sârek kombiâ gemap.”

²⁵ Gâ hâkgân Yudagât tirip tatgiñdâp are den kârikje lokomenâ bunje aktâp. Dâ den kârikje longaimbiâ âmâ hâkge gâiyi are yânje akbiap. ²⁶ Gârâmâ aregât Yuda tirip bâlâk manmai arekje Anutugât den lokom âmâ tiripdâ hainare akbai. ²⁷ Hain akmâ tirip bâlâk manmapje den kârikje lokomap yâkje âmâ keige gagaiwiap. Gagaim âmâ gâ Anutugât den kârikje nângâmat akto Yudagât tirip olop manmat gâ den kârikje longaimat aregât hâkge tunmâ keige gagaiwiap. ²⁸ Aregât lâuwâje makbe. Luâk siâ yân hâkje Yuda luâk tirip akbiap amâ hâkjeak manbiap. Hain arekje Yuda luâk bunje bo akbiap. ²⁹ Amâ hanje Yuda luâk arekje bunje akbiap. Amâ Yuda luâk arekje hanjân tirip bunje akmap yâkgât amâ Yuda luâk bunje dâmaen. Dâ hâknân den kârikjegât tirip areâk mem manmap are bunje bo. Gârâmâ han biwiñân tirip mem manmap arekje amâ Yuda luâk bunje dâmaen. Yâk hain aregât heronje amâ luâkgât bo. Anutunje nângâmbo âlepje akbiapgât.

3

Agak meme bâleñande Anutugât den bo kombiap.

¹ Akto yu kulemgoân are oyanmâ âmâ Yuda luâk âmbâleñe âmâ Yuda gâtñe bo are bo ewangiyek-baen dâi mon? Me Yuda tirip are yânñe aktâp dâi mon? ² Hain bo dâwei. Yuda luâk âmâ siâ me siâ biwirâ yeyengiep. Yâk âmâ Anutuñe den pat keñe keñe makyengimbo aregât amboñe agi. ³ Gârâmâ Yuda luâk âmbâle bikñande Anutu hanyenñande bo nânğanbiâ aregât hin dâwaen mon? Bo nânğanbiâ aregât Anutuñe makto den kârikñe tatmâ gaep are mem bâliâi hain dâwaen mon? ⁴ Are bo dondâñe. Anutuñe makto siâñe hin kulemgoep,

Anutu, gâ makmenâ âmâ denge bunñe ârândânâk akbiâp, are nânğâenñe huraguwiap. Akto gâ makmâ kotgâ akmâ potatmenâ âmâ siâñe denge bo mendo gewiâp. Den are bunñe akto luâk âmbâle hârokñe hianğimai akto Anutuñe konok âmâ bundâk makmap keñe are miawaktâp.

⁵ Are oyanmâ gain dâwaen? Bâleñe nenñande Anutu ârândân manmanñet keñe mem miap panmapgât bâleñe aktenñe Anutuñe aregât hâuñe nengimbo ârândân bo akbiap dâwaen mon? Den are amâ luâk nânğâ nânğâgât dowân maktân.

⁶ Hain bo dondâ. Anutuñe bâleñe nenñet hâuñe bo nengimap dâine gain gain akmâ luâk âmbâle hârok nengât agak memenenñe bâleñe are mem kepilâwâi? ⁷ Aregât siâñe hin dâwiap mon? Hiangi dennande Anutugât den bunñe tângombo kotñe patñe are humo akmâ sambelewiap, aregât wangât Anutuñe nâ bâleñe agângât hâuñe ninmap? Amâ bo ârândân akmap. ⁸ Akto bâlenân mandenñe purik âgâm bunñe âlepñe miawakbiap mon? Nen âmâ hain bo dâmaen gârâmâ luâk bikñande

âmâ Paulomanje hain dâmai dâyi. Aregât hâuñe miawakyeñgimbo ârândân akbiap. ⁹ Aregât gain gain nâñgâm hengemgowaen? Yuda luâkñe luâk bikñe ewangiyekmaen mon? Bo dondâ. Emelâk maktân. Yuda luâk akto Yuda luâk bo nen hârok bâleñaet hoñ manmaen. ¹⁰ Aregât Anutugât den hin tatâp,

“Luâk âmbâle siâ ârândân siâ bo mandâp. Bo dondâne. ¹¹ Hârokñe agak meme âlepñaet keñe bo nâñgâmai. Akto hârokñe Anutu konmâ kulâgâtâmâ bo akmai. ¹² Luâk hârokñe Anutu hamianmâ bâleñe akmâ hâkñe hâkñe agi. Siâne siâ me siâ âlepñe bo akmap. Bo dondâne. ¹³ Hanyenñe are momonñe yengât dop. Elewetyenñe purik dâmbo hiangi den gamap. Biwityenñande âmâ hâme hewukgât kundat bâleñe mem miawâk panmap. ¹⁴ Lauyenñân âmâ sait akto gasagât den pikmâ lugum lokom yemap. ¹⁵ Luâk yenguenñe moñet dâm aregât keiyenñande owâiñeâk tâlimai. ¹⁶ Akto itin gulam meyekmâ welam yenjeâk mem miap panmai. ¹⁷ Akto han biwi konok manbiâ biwiyenñe sândugewiapgât pat bo nâñgâmai. ¹⁸ Akto Anutu bo nâñganmâ yâkgât hamep bo akmai.” are amâ Anutugât denñe maktâp.

¹⁹ Aregât keñe hin. Den kârikñe arekñe den kârikñe nâñgâmaen nen damun nenñe akmap. Arekñeak keinennñe gagaim, lau nenñe gisapkomap. Akto luâk hârok dosanennñe Anutugâlân miawakmâ metemap. ²⁰ Aregât den kârikñe lokone dâm âi humo mendenñe Anutunñe nenekto bo ârândân akmap. Hain gârâmâ benñe den

kârikne arekne dosa nenne mem miap panmap. Hain.

Anutune nenekto ârândân akmapgât den.

²¹ Dâ hinne âmâ Anutune nenekmâ dosayene bo dâwiapgât dâp miawagân miawaktâp. I are âmâ den kârikne lokowaengât dop bo. Gârâmâ den kârikne akto propete ne kulemgoyi den arekne makmâ miawagep. ²² Anutune nenekto ârândân akbiapgât dâp amâ nen Yesu Kristo nânganmaen nengât hârok. Siâne me siâne Yesu Kristo nângando ainâk ârândângât dâp miawaganmap. ²³ Akto emelâk nen hârokne bâlene akmâ dosagât pat agion, aregât Anutugât egâlian pagalenân ari-waengât dop bo tatnengiep. ²⁴ Aregât hainâk nen hârok Yesu Kristone bâlene nenne miepgât Anutune han kalemjaet akmâ dosa bâlâk dâm menenekmap. ²⁵ Anutune dâmbo Yesune bâlene nenjaet akmâ sumbe kato Anutune kuk agando bo agep. Aregât nenne nânganbaenne sumbe are mendenne dosa nenne bo agep. Anutune hain agepgât ikinje agak meme ârândân are miapnân miawagep. Akto ulikjân bâlene akmâ gayiongât dosa aregât hâune dowâk bo nengiep, a hainâk nângâyion. ²⁶ Anutune hain akmap âmâ ârândân ambone manmap dâm nângâyion. Dâ Yesu han-nenjannde nângandenne dosayene bo tatyengiâp dâwiapgât keine hinneâk tek tegiâkgât hain are agep.

²⁷ Aregât nen nenjaet akmâ nângâenne humo akbiapgât dop yendâp mon? Bo. Hâk nângâ nângânenne are nângâenne bâliâp. Are amâ den kârikne lokoyiongât bo miawaktâp, amâ Yesu

nângaᅇdenᅇ hâknenᅇ akto nâᅇgâ nâᅇgânenᅇ yânᅇ aktâp. ²⁸ Aregât den hin nâᅇgânenᅇ yembiâp. Den kârikᅇ lokoenenᅇ dosayenᅇ bo dâwiapgât dop bo tatâp. Yesu nâᅇgaᅇmâ kepiânenᅇ âmâ dosanenᅇ bo dâwiâp. ²⁹ Dâ Anutu Yuda luâk nengâlâgâk damun mon? Bo. Yâk âmâ Yuda gâtᅇ bo yâk yengât damun gai. ³⁰ Anutunenᅇ konokyâkᅇ nen Yudagât tirip mem manmaen me tirip bâlâk manmai nen hârokᅇ Yesu nâᅇgaᅇdenᅇ dosayenᅇ bo dâm menenekmap. ³¹ Aregât Yesu nâᅇgaᅇmâ âmâ den kârikᅇ nâᅇgânenᅇ gieᅇ mon? Bo dondâᅇ. Nenᅇ Yesu nâᅇgaᅇmâ âmâ den kârikᅇ tângomaen.

4

Anutunᅇ Abrahamgât luâk âlepᅇ dâᅇp.

¹ Akto Yuda nengât hakunenᅇ Abraham âmâ wan penianᅇp? dâwaen. ² Abrahamᅇ Anutugât den kârikᅇ lokombo Anutunᅇ ekmâ dosage bo tatgiᅇdâp dâᅇp dâine benᅇ Abrahamᅇ ikinᅇaet nâᅇgâambo humo akbop. Âmâ Anutugât metenân âmâ bo. ³ Akto Anutugât denân hin yendâp aregâten, “Abrahamᅇ Anutu nâᅇgaᅇdo aregât dosage bo dâm makmâ miawaganᅇp.”

⁴ Dâ luâk siâᅇ âi mendo âmâ benᅇ hâuᅇ waᅇmaen are âmâ han kalem nenᅇaet pat bo. Âmâ hâu kutigit aᅇmaen. ⁵ Dâ luâk siâᅇ âi bo mem âmâ Anutunᅇ bâlenᅇ meme nengât dosa heᅇpunmap yâk nâᅇgaᅇbiap âmâ ainâk Anutunᅇ luâk aregât nâᅇgâm kepiâ kepiâᅇaet akmâ nâᅇgâm âmâ dosa bo tatgiᅇdâp dâm maganᅇbiap. ⁶ Aregât keiᅇ Dawidiᅇ hainâgâk nâᅇgâm âmâ luâk siâ âmâ âi bo mendo

Anutuŋe gâunaŋmâ dosage bo dâwiapgât yâkgât heronje maronjegât keiŋe hin kulemgoep.

⁷ “Dosa umatŋe mem manmai yâk Anutuŋe dosayeŋe bo tatyengiâp dâwiapgât are nâŋgâmbiâ ukenŋe akbiap. ⁸ Akto luâk siâŋe bâleŋe akmâ gaep yâk Humoŋe nâŋgaŋdo dosage olop bo aktât dâm maganbiap yâk nâŋgâambo amâ ukenŋe humo akbiap.”

⁹ Akto ukenŋe humo are âmâ Yuda tirip olop nengâlâk pat aktâp mon? Me tirip bâlâk yâk yengât olop aktâp? Aregât Abrahamgât pat nâŋgâenŋe keiŋe miawakberâp. Hin. Abrahamŋe Anutu nâŋgaŋdo Anutuŋe ekto ârândân agep. Hain nâŋgâmaen. ¹⁰ Akto wan sowân dosage bo dâm maganep? Tirip olop malewân me tirip bâlâk malewân? Tirip olop malewân ain bo maganep. Ulikŋân Abraham tirip bâlâk mandoân Anutuŋe dosaje hepunaŋep. ¹¹ Yâk tirip bâlâk malewân Anutu nâŋgaŋdo dosaje hepunaŋep aregât tirip kulem beirâ wanep. Anutuŋe hain aganepgât benŋe Abrahamŋe hinŋe tirip bâlâk manmaiŋe Anutu nâŋgaŋmaigât dosa bâlâk hinare akmai yâk yengât Eweyeŋe ulikŋân meme agep. ¹² Abraham hain agepgât âmâ nen tirip olop manmaen nengât Ewenenŋe agep. Dâ tirip hâknennân miawagep aregât bo. Abrahamŋe hâknân tirip bo talewân âmâ Anutu nâŋgaŋminep, dâp areâk watmâ Anutu nâŋgaŋmaen âmâ benŋe Anutu amâ Humonenŋe dâenŋe ârândân akbiap.

¹³ Anutuŋe Abrahamgât bâgilupŋe hân hârok yengiwan dâm hângât pat katyengiep amâ den kârikŋe loko lokogât akmâ bo. Abrahamŋe Anutu

nânganmâ kepilâmbo âmâ Anutuñe nângâmbo ârândân agepgât Anutuñe hângât magep. ¹⁴ Âmâ hingât. Anutuñe makmâ hâriep aregât pat amâ den kârikñe lokomai yâk yengât makmâ hâriep dâine benne Anutu nânganmaen are amâ yânñe akbop. Akto Anutuñe makmâ hâriep akai yânñe akbop. ¹⁵ Aregât keiñe hin. Den kârikñe arekñe amâ dosagât hâuñe kaknenñân katmap. Dâ den kârikñe bâlâgân âmâ den koko are bo miawakmap. ¹⁶ Are gârâmâ Anutu nânganmâ kepilâmaen are nengât miawagep. Âmâ wangât? Hingât. Anutuñe ukenñaet akmâ han kalem akmâ makmâ hârembo Abrahamgât kâmolân hârok yâk yengâlân miawagep. Dâ den kârikñe lokomai gâlâk bo. Abraham amâ nengât hakunenñe dâmaengât Abrahamñe Anutu nânganndo bunñe agep amâ nen Anutu nânganndenñe bunñe akmap aregât akmâ nengâlân miawagep. ¹⁷ Aregât keiñe Anutuñe makto kulengoep hin tatâp. “Nâñe luâk kâmotñe kâmotñe yâk yengât Eweyene akbiat dâm makmâ hâregindân.” dâep. Abrahamñe Anutu nânganmâ hin nângâm kârigiep, “Anutu amâ momoñe mem golâ katyekmap. Akto siâ me siâ bo yendâp are dâmbo miawakmai.” hain nângâep.

Abrahamñe Anutu nângâm kepilâ anep.

¹⁸ Akto Anutuñe, “Gângât kâlelupge biwirâ miawakbai” dâm maganep, den are nângâmbo humo agep. Akto den are biwinñan mem kârikñe mângim malepgât hânñe hânñe yâkgât bâgilupñe miawakbaigât nângâep. ¹⁹ Hain akmâ âmâ hombanñe 100 malepgât ikinñe hâkñe serokñe akto Saragât hâkñe gai hainângâk agep are ekmâ nângâmbo umatñe bo

agep. Akto Anutuŋe magep are nâŋgâm âmâ bo hanoko agep. ²⁰ Akto Anutuŋe pat âlepgât magep are nâŋgâm âmâ han biwiŋe bo hogo agep. Amâ bunŋerâm malep. Hain akmâ nâŋgaŋmâ kârigem Anutugât nâŋgâmbo âgâ aŋdo ikinje biwi kat katgât kârikŋe akmâ âgâep. ²¹ Amâ Anutuŋe siâ me siâ makmâ hâriep are bunŋe agâk dâmbo âlepŋe miawakbiap nâŋgâep. ²² Hain nâŋgâepgât akto Anutu nâŋgaŋdo bunŋe agepgât Anutuŋe yâkgât nâŋgâm âmâ “Dosage bo tatgindâp.” dâm makto miawagaŋep. ²³ Akto Anutuŋe dosage bo tatgindâp den are Abraham gâlâk bo magep. ²⁴ Nengât gai aktâp. Kembunenŋe Yesu Kristo momoŋân ba mem agalep Anutu yâk nâŋgaŋmaen nengât gai magep. Akto nengât akmâ miawaknengiwiap. ²⁵ Are âmâ Anutuŋe makto Yesu dosa nenŋaet akmâ moep. Mondo dosa bâlâk manbaengât âmâ Anutuŋe momoŋânba mem agalep.

5

Anutuŋe nengât dosanenŋe bo agep aregât biwinenŋe mem sândugemap.

¹ Aregât nen Yesu nâŋgaŋjongât Anutuŋe nenekto dosa nenŋe bo agep. Aregât Anutuŋe Humonenŋe Yesu Kristogât akmâ nâŋgâmbo kuk bo akto biwinenŋe sândugemap. ² Yesuŋeak hâŋgi menengiepgât Anutuŋe han kalem akmâ damunnenŋe akto yeukŋân manmaen, akmâ maleine Anutugât kulem pagaleŋe miawaknengimbo ekmâ egâlianbaen. ³ Akto areâk bo. Umatŋe miawaknengimbo arekŋe amâ han biwinenŋe kârikŋe ketugunengimap

aregât bo hâkân akmaen. Aregât umatne miawaknengimboân âmâ heronje akmaen. ⁴ Akto hâk hilâlâm nângâm bo hâkân aktenje âmâ wât kârikne miawaknengimap. Akto wât kârikjande âmâ himbimgât egâlianbaengât mem miawaknengimap. ⁵ Himbimgât egâlianngât olop manbaen arekne amâ bo pâpkom anjun anmaen. Amâ hingât. Anutu ne ikinje ukenjaet akmâ Heak owâineâk nengimapgât Anutugât han kalem are biwinennân lugum totokombo gem tatmapgât bo pâpkomaen.

⁶ Akto Yesu bo nângaŋion sop ain tân agu agugât dâp bo tatnengiep, sop ain Kristone bâlene meme nengât hâu mem moep. ⁷ Aregât hin nângaen. Luâk siâne luâk siâ ârândânâk manmap are tângowerâm mombiap hainare bo tatâp. Dâ luâk âlepne han kalem akmâ manmap are tângowerâm mombiap hainare konok konok tatmai mon? ⁸ Dâ Anutu ne nen bâlene malionân ain han kalemjaet akmâ makto Kristone bâlene nenjaet akmâ moep. Mondo ainâk Anutugât han kalemne amâ miawakto egion.

⁹ Akto ire Kristogât hepnjaet akmâ dosa bâlâk agiongât Anutugât kuk sopne miawakbiawân âlepne tânnengumbo yâkgât akmâ kuk are bo miawaknengiwiap. ¹⁰ Amâ hingât. Nen Anutu gasa agaŋmâ mandenne nanne moepgât akmâ han kalem aknengiep amâ âi humo. Are hinne Anutu ne han kalem aknengiewân amâ manmanjaet akmâ manman kârikjân katnenekbiapgât amâ âi owâine. ¹¹ Akto areâk bo. Kembunenne Yesu Kristone Anutu olop

mendunenegepgât aregât yâkgât akmâ Anutu yâk makmâ egâlian agañmâ heronje akmaen.

Adamñe bâleñe agepgât momogât dâp miawagep.

¹² Aregât hin nângâne. Luâk Adam konokñe bâleñe agepgât bâleñe keñe keñe hânân miawagep. Hain akto bâleñaet momo miawaknengiep. Akto luâk hârok bâlim meteyiongât momogât patñe luâk hârok katip nenguep. ¹³ Akto den kârikñe bo miawaktoân bâleñande ulikñân miawakmâ yiep. Dâ den kârikñe bo talep amâ yân yem gaep. ¹⁴ Gârâmâ momoñe Adamgâlân keñe katmâ luâk manmâ gayi yâk damun yengum gam mando amâ Mose miawagep. Amâ Adamñe den koko agepgât hainare bo agi yâk yengâlân miawagep. Akto Adam amâ luâk siâ beirâ miawakbiapgât tirip akmâ malep.

¹⁵ Dâ han kalemñe amâ den kokogât dop bo aktâp. Luâk konokgât den kokonjaet biwirâne mom hilip aguyi. Hain akto Anutugât han kalemñe amâ luâk konok Yesu Kristo yâkgât âlepñaet akmâ Adamgât den koko ewangim luâk biwirâ nengâlân miawagep. ¹⁶ Aregât lâuwâne makbe. Luâk konok Adam yâkñe bâleñe agepgât nen hârok den âiân miawaktenñe dosanenñe miawakbiap. Dâ bâleñe nenñe humo aktoân amâ Anutuñe han kalem nengiep arekñe nen dosanenñe boân manbaengât mem miawaknengiep. Aregât Anutuñe han kalem nengiep are akto luâk konokñe bâleñe akto miawaknengiep are amâ dop yetñe konok bo. ¹⁷ Amâ Adam luâk konokñe den koepgât momoñe damunnenñe akmâ gaep. Aregât

Anutuŋe han kalemŋe yem âgâwipgât akto dosa bâlâk manman are nengiwiap. Aregât amâ nenŋe luâk konok Yesu Kristo yâkgât akmâ manman kârikŋân kembu akmâ manbaen. ¹⁸ Aregât hin. Luâk konokŋe den kom malepgât luâk hârokŋe hememgât pat agion. Aregât luâk konokŋe ârândân mando dosa bâlâk manbaengât pat agion. ¹⁹ Luâk konokgât den kokogât Anutuŋe nenekmâ dosa luâk dâm nengonlep. Hainagâk luâk konokgât den loko lokogât amâ Anutuŋe nenekmâ dosa luâk bo dâm nengonlep.

²⁰ Akto den kârikŋe amâ bâleŋande sambeleâkgât tânâmŋân miawakto ekbaengât. Dâ bâleŋande sambelem miawakmâ âgâambo ainâk Anutugât han kalem arekŋe sambelem ewangim âgâep. ²¹ Dâ aregât luâk âmbâle agak meme bâleŋe akmâ manbiâ momo dondâ arekŋe meyekto gayi. Gârâmâ luâk âmbâle bikŋande Yesu Kristo Humonenŋe yâkgât akmâ nâŋgaŋmâ manmaen nen Anutugât han kalemŋe damunnenŋe akmâ dosa bâlâk menenekmâ manman kârikŋân katnenekbiap. Are âmâ Kristo Kembunnenŋe yâkgât akmâ miawakbiap.

6

Yesugâlân dewatiyion.

¹ Aregât gain dâweren? Anutugât han kalemŋe miawakmâ sambelem ariwiapgât bâleŋe aktenŋe ârândân akbiap. Hain dâweren mon? ² Hain bo. Bâleŋaet akmâ moyion nenŋe gain gain gaetŋe bâleŋe lâuwâŋe akmâ manmaen? ³ Aregât ye hin bo nâŋgâi mon? Nen tu pulinengiyiân âmâ Yesu

Kristogâlân dewatiyion. Dewatim âmâ yâkgât momoân dewatiyion. ⁴ Hain akmâ dewatiennje âmâ Kristo olop han nenguep. Hain akto Ewenje Anutu yâkgât pagalenjande Kristo mem agato momonânba agalep hain agâk nen golâ akmâ manman iraknje ain manbaen.

⁵ Aregât lâuwânje makbe. Anutunje nanje moep aregât pat nengiep. Hain nengim âmâ Yâkgâlân dewatinenegep. Aregât akmâ Yesunje momonânba agalep dop hainâk mem agatnenekbiap. ⁶ Aregât hin nângâmaen. Han tâmbânje nenje Yesu olop lâwinân moep dop hainâk bâlenenenje bo agâkgât miawagep. Hain miawakto bâlenje nenjande bo damunnenje akbiapgât dâp miawagep. ⁷ Amâ hingât luâk siâ mondo âmâ bâlenjande lâuwânje bo damunje akbiap.

⁸ Akto nen âmâ Kristo olop moyion aregât yâk momonânba agatmâ manmâ âgâwipgât nen âkâ yâk olop manmâ âgâwaen. Hain nângâmaen. ⁹ Akto Kristogât hin nângâmaen. Yâk momonân ba agalepgât lâuwânje bo mombiap. Akto momogât pat arekne lâuwânje bo damunje akbiap. Bo. ¹⁰ Yâk moep amâ bâlenjaet sop konok mondo bo agep are. Akto hinje mandâp amâ Anutugât akmâ mandâp. ¹¹ Aregât ye hainâgâk bâlenjejaet pat moyigât Yesu Kristo yâk olop Anutugât akmâ manmâ âgâniâm dâwei. ¹² Aregât bâlenjande hâkyenje damunje akbopgât nângâmâk manbei. Akto hâkyenje egâlian bâlenjaet hâwâtyekbopgât are gai nângâmâk biwiyenje damunje akmâ manbei. ¹³ Hain akmâ hâkyenje bâlenjaet pat hon bawa bo aganbiapgât hin akbei. Anutunje momonânba

olon yekmâ manman âlepñân katyegepgât hâk biwiyenê Anutugât kotgâm wanbiâ âlepñaet hon manbiâp. ¹⁴ Amâ hingât. Ye den kârikñande bo damunyenê akmâ denân katyekmap. Bo. Anutugât han kalemñande damunyenê akmapgât bâlenande luâk kembu bo akyenngiwiâp.

Agak meme âlepñe aregât hon bawa aganmaen.

¹⁵ Aregât ire gain akbaen? Anutugât han kalemân manmâ arienñe den kârikñaet horat hulaj agepgât bâlenê mendenñe ârândân akbiap mon? Amâ bo. ¹⁶ Luâk kembu siâ han biwiyenande hikom kinmâ lau lokoanbainê yâkgât hon aganmâ âi meanbai. Bâlenande damunyenê akto aregât hon mananmâ ageine mom hilip aguwâi me lau loko lokoñe damunyenê akto yâkgât hon manmâ âgâmbiâ Anutunê yekto huraguwiâp. Are nângâi mon? ¹⁷ Ye bâlenjaet hon manmâ gayi are bo agep. Dâ luâk bikñande Yesugât keñe makyenngimbiâ âmâ pânân mem han yenjande nângâm kepilâm lokomai aregât Anutu mepainê meanbaen. ¹⁸ Dosa yenjande wârakmâ mem ge katyekto aregât hon bawa akmâ mali are Anutunê kom mem olonyekmâ agak meme âlepñân katyekto aregât hon bawa aganji.

¹⁹ Han tâmbânê yenê yeukñe aregât luâgân siâ me siâ yendâp aregât dop katmâ makyenngiân. Ye ulikñân hâk biwiyenê egâlijan bâlenê aregât hon aganbiâ humo akto gulip mali. Aregât sop unjak âmâ hâk biwiyenê ârândânngât hon bawa aganbiâ humo akto han ârândânngâk akmâ manbei. ²⁰ Ulikñân bâlenjaet hon maliân ain ârândân manmangât horat are bo yeyenngiep. ²¹ Akto sop ain wan bunñe miawakyenngiep? Bo. Aregât kakñân

momo miawak yenngiwiapgât pat. Dâ hinne are nângâm âmâ anunne olowâk mandâi. ²² Bâin. Sop hinne amâ bâlenjaet tâk hulaŋdo Anutugât hon manman agi mandâi. Hain akbiâ han irakne akto agak meme ârândâŋ miawak yenngiep. Dâ beirâ âmâ manman kârikne mem manbai. ²³ Bâlenjaet hâuŋe âmâ momo membaen. Dâ Anutuŋe han kalemjaet akmâ Kembu nenne Yesu Kristo yâkgât akmâ manman kârikne nengimbo mem manmaen.

7

Yesu moepgât den kârikjaet tâk hâreaŋep.

¹ Galama, den kârikjaet keiŋe nângâmai ye hin makyengiwe. Ye hin bo nângâmai mon? Nen mandenne den kârikne arekne damun nenne akmap. Dâ mombaenân âmâ den kârikne arekne bo damun nenne akbiap. ² Aregât âmbâle siâŋe luâk siâ mendoân den kârikne hin kalaŋep, luâk hepunbiapgât dop bo yendâp. Dâ luâkne mondo den kârikne makmâ hâreaŋep are hepunbiapgât dâp talanbiap. ³ Aregât luâkne golâ mandoân ain âmâ hepunmâ luâk siâ mendo âmâ âmbâle bâleŋe dâm konmaen. Dâ luâkne mondo âmâ luâkdâ âmbendâ menduyelegep tâk are hâreaŋep. Aregât luâk siâ membiawân ain mem hepun hepongât dosa bo membiap.

⁴ Galama yengât keiyeŋe hainâk yendâp. Kristogât hâkne mondo ain den kârikne aregât tâk hârieŋep. Hârembo den kârikjaet moyi. Are amâ ambo siâgât agi. Anutuŋe nanne momonânba agalep mandâp yâkgât kâmot agi. Aregât nen

Anutu bunne penianjongât. ⁵ Dâ uliknân manman tâmbânje malion sop ain den kârikne arekne egâlian bâlenje kâlâpne waito hâk biwinennân âine mem malep. Hain aknengimbo momogât bunne mem penianjon. ⁶ Dâ hinne amâ den kârikne arekne bo damun nenne akmap aregât tâkne hulaj nengiewân amâ den kulemgât dâp tâmbânje bo watmâ amâ Heakgât dâp irakne tâlim arimaen.

Bâlenande hilip nengumap.

⁷ Aregât gain dâweren? Den kârikne ire amâ bâlenje mon? Hain bo. Den kârikne bo tatâp dâine nâ bâlenjaet keine bo nângâm kotgâwom. Den kârikne arekne hin makmâ miawakniñdâp, “Egâlian bâlenje bo nângâm egâlianben.” den are bo tatâp dâine egâlian bâlenje bo nângâwom. ⁸ Gârâmâ bâlenje are amâ den kârikne arekne tân agando hanne hâwâto egâlian bâlenje keine keine miawakniñep. Amâ den kârikne arekne bo yendâp dâine bâlenande yân limbâp agum yembop. ⁹ Nâ uliknân den kârikjaet dâwân bo malân ain amâ manmanne miawaknengiep. Aregât hamiñân den kârikne arekne penâniñdo bâlenande biwinân âi mendo momogât dâwân ariân. ¹⁰ Den kârikne arekne manmangât dâp makmâ miawakmap arekne purik dâm momogât dâp miawakniñep. ¹¹ Amâ hingât. Bâlenje are amâ den kârikne arekne tângombo kârikne akmâ henimâ nugumbo momo hinare agân. ¹² Aregât hin nângân. Den kârikne amâ dosa bâlâk. Akto Anutuñe wan me wan makmâ hâriep den are hainâk amâ dosa bâlâk akto Anutuñe nângâmbo âlepne akto ârândâñ akmap. ¹³ Aregât hin dâwe

mon? Den kârikne amâ âlepne arekne konok nâ nugumbo momogât dâp miawakniņep mon? Hain bo. Bâleņenande den kârikne âlepne aregât akmâ momoņe nuguep. Amâ hingât. Anutuņe wan makmâ hârieņ den aregât akmâ bâleņenaet keiņe nâņgâm heņgemgore bâleņaet hândâkne dondâ bâleņe miawakmâ kinbiapgât.

Bâleņande hikom katnenekmap.

¹⁴ Dâ nenâmâ hin nâņgâmaen. Den kârikne amâ Heakgât pat. Dâ nâmâ bâleņaet hoņ agañmâ hângât pat manman. ¹⁵ Nâ agak memene nâņgâwerâm aktere purik gurik agep. Amâ hin. Nâ siâ me siâ akberâre umatņe akto bo akman. Dâ siâ me siâ sârekoman are amâ akman. ¹⁶ Akto wan me wan sârikoman are akman âmâ benņe hin nâņgân, den kârikne are nâņgâre âlepne akmap dâman. ¹⁷ Aregât wan akmâ bâliman are amâ nâ nune hangât bo akman. Bâleņande hanân yem hâwâtneko akman aregât. ¹⁸ Nâ keine hin nâņgân. Agak meme âlepņaet egâliañman are amâ membiangât dâp bo tatniņdâp, aregât hâknân wan me wan siâ âlepne bo yendâp. Hain nâņgân. ¹⁹ Amâ hin. Nâ wan me wan siâ âlepne akbian dâm kinmâ âmâ bo akman. Dâ siâ me siâ bâleņe bo akbian dâm kinmâ âmâ akman. ²⁰ Bâleņe bo akbian dâm makmâ hanâk akman amâ nunak bo. Bâleņe biwinân tatmap arekne huņgunniņdo hanâk akman, hain nâņgân. ²¹ Aregât nâņgâlân hin miawakmap. Siâ me siâ âlepne akberâre âmâ bâleņande mete katniņmap. ²² Nâ han biwinande Anutuņe den kârikne kalep are nâņgâre ârândâņ akto heroņe akman. ²³ Dâ hâknande âmâ nâņgâ nâņgâne are kondo

gembo bâleŋe hâknân manmap arekŋe hiko nektu umatŋân mandân. ²⁴ Aregât mesak gosak akman. Gâuk niŋande hâkne momogât pat agakŋe mem kotdâ nekbiap? Amâ hin. ²⁵ Nâmâ Yesu Kristo Humo nenŋe yâkgât akmâ Anutu mepaiŋe me-man. Bâin. Nâ Anutugât den kârikŋe are nâŋgâre ârândânŋ akto nâŋgâ nâŋgânande hoŋ agaŋman. Dâ hâknande âmâ bâleŋaet kârikŋe hoŋ agaŋman.

8

Yesuŋe dosanenŋe puliepgât yâk nâŋgâm kepilâ aŋbaen.

¹ Aregât Yesu Kristo olop manmaen nen âmâ Anutuŋe bâleŋaet hâuŋe bo makmâ kotdâ nengiwiap. ² Amâ hingât Anutugât Heak arekŋe Yesu Kristogât manman are nengiep pat arekŋe bâleŋaet tâk akto momogât tâk hâriep. ³ Akto den kârikŋe are han tâmbâŋe nenŋande kârikŋeŋe kondo gembo nengâlân âi mem âsinenekto bo agep. Aregât Anutuŋe nanŋe luâk hainare ak dâambo luâk akmâ gem mando bâleŋaet akmâ nanŋe kuk agaŋdo moep. ⁴ Mondo âmâ den kârikŋe loko loko âlepŋe miawaknengiep. Nen han tâmbâŋaet dâp bo watmaen. Bo. Amâ Heakgât dâp tâlimaen nengâlân den kârikŋe loko loko âlepŋe mendenŋe huraguwiapgât dâp miawaknengiep. ⁵ Hâkyeŋaet dâp tâlimai yâkŋe âmâ hâkgât nâŋgâmbiâ humo akmap. Dâ Heakgât dâp tâlimaen nenŋe âmâ Heakgât siâ me siâ aregâlâk nâŋgâenŋe humo akmap. ⁶ Hâkgâlâk nâŋgâm manbiâ âmâ momo miawakyenŋimbo hilip aguwai. Dâ Heakgât nâŋgâenŋe humo akbiap amâ manman âlepŋe

akto biwi sânduk membaen. ⁷ Amâ hingât. Luâk siâŋe hângâlâk nâŋgâmbo humo akmap yâkgât nâŋgâ nâŋgânande Anutu gasa agaŋmap. Nâŋgâ nâŋgânande Anutugât den kârikŋaet amukŋân tatbiapgât dop bo tatâpgât den kârikŋe are hâkâŋe akmâ panmap. ⁸ Amâ wangât? Hingât. Hâkgâlâk nâŋgâmai yâk Anutuŋe yekmâ hâkâŋ akmap.

⁹ Dâ ye Romagâtŋe amâ Anutugât Heakŋe arekŋe hanyenân tatmâ manmapgât hâkgât patŋande bo damun yeŋe akmap. Amâ Heak olop menduguakmâ manmaigât. Dâ siâŋe Kristogât Heak bâlâk manbiapŋe yâkgât pat bo mem manbiap. ¹⁰ Dâ Kristoŋe hanyenân manmawân hâkyenande bâlenŋaet akmâ momoŋe akyengimap gârâmâ han otnye yeŋande amâ dosa bâlâkgât golâ akmâ manmap. ¹¹ Akto Yesu momoŋânba mem agalep Anutugât Heakŋe hanyenân tatmap arekŋe Kristo Yesu momoŋânba mem agalep dop hainâk hanyenân Heakŋe mandâp yâkgât akmâ hâkyeŋe momoŋe are hainagâk mem golâ katbiap.

Heakŋe menenekto yâkgât agion.

¹² Galalupne, nengât hâu yendâp aregât hâknennŋaet bo nâŋgâmâk manbaen. Akto hâkgât agak meme bo mem manbaen. ¹³ Amâ ye hâkgât agak meme watmâ manbai âmâ hilip aguwai. Dâ Heakgât kârikŋân agak meme are kombiâ gembo âmâ manman âlepŋân manmâ âgâwai. ¹⁴ Aregât keiŋe hin. Anutugât Heak arekŋe sokoyekto manmai yâk âmâ Anutuŋe nan barat dâm yeŋgonmap. ¹⁵ Anutugât Heak yeŋgiep are âmâ hoŋ manmanlupŋe manmâ hamep akŋetgât bo. Nan barat bunŋe manŋetgât Heak yeŋgiep.

Aregât akmâ Ewenenne âlepne dâm konmaen.
¹⁶ Amâ nen Anutugât nan barat manden den are âmâ Heakne biwinennân makmâ humolembo nângâmaen. ¹⁷ Nanne baratne mandengât Anutune bâtne bâine nengiwiapgât dop miawaknengiepgât Kristo olop mendugum damun akbaen. Amâ in hânân yâk olop dâtne metne kaknân manbaen âmâ âlepne yâk olop egâlian pagalene âlepjân nen hârogâk manbaen.

Manman âlepne aregât lâmgom manmaen.

¹⁸ Galalupne. Nâ hin nângân. Himbimân Anutune egâlian âlepne nengiwiap arekne hânân hâk hilâlâm umburuk yendâp are ewangiâp aregât hâk hilâlâmgât nângâenne yânne akbiâp. ¹⁹ Anutugât nan barat manmaen nen pagalene miawaknengimbo tekteknân manbaengât siâ me siâ liulep arekne aregât imbianmâ lâmgom manmai. ²⁰ Amâ hingât. Anutune siâ me siâ liulep are mom bâle bâlegât kâlegen katyegep. Are amâ yengât hangât bo. Anutune siân wan âlepne miawakbiap aregât lâmgom manbaigât lope kâlegen katyegep. ²¹ Amâ hingât. Beirâ wan me wan liulep are gai mom hilipaguwaigât tâkne gunmâ panmâ kârikne akmâ Anutugât nanne baratne nengâlân egâlian âlepjân dewatinenekbai. Haingât.

²² Nen aregât hin nângâmaen. Anutune kotne siâ siâ hârok ketuguep are hârokne âmbâlene nanan memberâm hâk hilâlâm nângâm kambojmai dop hainâk akmâ lâmgom manmâ kambojmai. ²³ Akto wan me wan liulep areâk bo akmap. Nenâkai, Heakne biwinenne bunne aknengimap

Anutugât nan barat manden aregât keiŋe miawaknengiâkgât akto Anutuŋe hâk nenŋe mem hulanmâ hengemgom mem tek tekŋân katnenekbiapgât sopŋe lâmgom manmâ han nenŋande mesak gosak akmâ umburukŋe akmaen. ²⁴ Hain akmâ lâmgom manmaengât amâ Anutuŋe hengem nenguwiapgât pat miawak nengiep. Dâ siâŋe siâ lâmgom manbiapŋe âmâ wan me wan ekbiawân lâuwâŋe bo lâmgom âmâ biwi owâi bo akmap. ²⁵ Gârâmâ nenâmâ hinŋe wan bo ekmaen are lâmgomaen âmâ biwinenŋe owâiŋe akto bo hâkân akmaen.

Heakŋe tânnengumap.

²⁶ Akto dop hainâk Heakŋe gai nen yeukŋaet akmâ tân nengumap. Nen hin me hain ulilanŋenŋe ârândân akbiap are âmâ bonângâm kotgâmaengât Heakŋe han nenŋe mem owâimbo den luâkŋe bo nângâmaenŋe are maktenŋe miawakto Anutuŋe nângâmap. ²⁷ Akto Anutu biwinennân ekmapŋe âmâ Heakgât den nângâmap. Amâ Heakŋe nen Anutugât kâmot nengât akmâ Anutuŋe wan me wan makmâ hâriep are nângâmap areâkgât ulilanŋmap. ²⁸ Akto areâk bo. Nen hin nângâmaen. Anutu han nenŋande nânŋaŋmaen nengât akmâ wan me wan miawaknengimap are hârok mem tân nenguwiapgât mânginenekmap. Amâ yâkŋe han kalemŋaet akmâ oloŋ nenegep nengât. ²⁹ Ulikŋân Anutuŋe han kalemŋaet akmâ potatnenegep gât Nanŋaet tirip akbaengât makmâ hâriep. Akto emiŋe garŋe biwirâ aktenŋe ikiŋe âmâ teunenŋe humo ulikŋân gâtŋe akmâ manbiapgât makmâ hâriep. ³⁰ Anutu

luâk âmbâle uliknân nângâm hengemgom potat nenegepgât nengonmâ oloñnenegep. Nengonmâ oloñ nenegepgât dosa nenñe bo aktâp dêep. Dosa nenñe bo aktâp dêep gât egâlian âlepñe nengiep.

Anutugât han kalemânba siâ me siâñe bo hilip-nenguwiap.

³¹ Den are keiñe gain gain yendâp dâweren? Anutuñe gala bo aknengimap dâine gasalupnenñande dondâ yeukñe aknengimbiâ hilip aguwaen.

³² Anutuñe ikiñe Nanñe bo gangerâm dumnennân kilâkgât hungun anđo giep are amâ âi humo. Dâ wan me wan yâkgât akmâ nengiwiap amâ owâiñe.

³³ Anutuñe ikiñak dosa nenñe bo aktâp dâmap aregât yâkgât kâmotlupñe nen niñande denân katnenekbop?

³⁴ Akto Kristo Yesu ikiñak moep. Akmâ moewâk bo. Yâk momoñânba agatmâ Anutugât bânñe bungen âgâ talepgât nengât akmâ Anutu ulilañmap, aregât niñande denân katnenekto dosa nenñe miawakbiap? ³⁵ Akto Kristogât han kalemânba wan arekñaetñe oloñ nenekto yân manbaen? Amâ hâk hilâlâmñe me dâtñe metñande me gasalupnenñande me mop manmanñe me hanokoak manmanñe me tembe bugâñe arekñe? Are hârokñe Kristogât han kalemânba oloñnenekbiapgât dop bo. ³⁶ Amâ Anutuñe aregât magep hin tatâp,

“Anutu gânggât akmâ hâk hilâlâm nângâenñe hokboâk hokboâk gasalupnenñande itin gulam menenekmai. Akto bau kom gâimaen aregât dop hainâk aknengimai.”

³⁷ Hain arekñe bo mem ge katnenekbiap. Bo. Yesuñe han kalem akmapgât kârigem kârikñe humo penianmâ kinmaen. ³⁸ Aregât hin nângâm kârigeân. Momoñe me manmanñe me añeloñe me luâk kembuñe me hinñe miawakmapñe me beirâ miawakbiapñe me siâ me siâ kârikñe arekñe ³⁹ me siâ siâ âgâñe me siâ siâ gegenñe me wan me wan Anutuñe liulep arekñe Anutugât han kalemñande Yesu Kristoñe katip nengumap ain ba bo oloñnenekbiap.

9

Pauloñe Yuda luâk yenğât yai nângâep.

¹ Nâ Kristogât akmâ den bunñe maktere nângâñet. Heakñe hanne mem pagalembo nângâm hengemgom makyenğiwe. ² Nâñe nângât ginbailupne Yuda gâtñe yâkgât akmâ nângâyenğire biwine umatñe dondâ akmap. ³ Aregât hin nângân mon? Anutuñe Yuda luâk galalupne yâkgât akmâ hepun nekmâ âmâ meyekbiap are nângâm owâiân. ⁴ Yuda luâk nengât kotnenñe siâ Israegât kâmotlupñe are Anutuñe nângât mândulupnerâm ikinâet pagaleñe hekatyenğiep. Hain akmâ âmâ Anutu olop dewatiwaigât pat akto den kârikñe makmâ miawak yenğiep. Akto sumbegât emetñe aregât hin akñetgât dâpñe keñe hekatyenğiep. Akto siân wan me wan hârok yenğiwian dâm makmâ hâre yenğiep. ⁵ Dâ Yuda nengât hakulupnenñe amâ luâk kautñe mali. Akto Anutuñe nanñe hunğunañdo giep are amâ nengât hutnenñânba miawagep. Yâk âmâ wan me wan hârok nengât kautñe malep, yâk

âmâ Anutu aregât nenne nânğan denne humone humo kârikne talanbiap. A bundâk. ⁶ Dâ ya makyengiân aregât hin bo dâwaen, “Yuda luâkne wan akmai aregât Anutugât den yeukne agep.” bo dâwaen. Israe gâlân ba miawagion âmâ Israe luâk bunne hârokne ârândân bo agi. ⁷ Dâ Abrahamgât uliklupne miawagi are âmâ kâmotlupne bunne gai bo agi. Gârâmâ aregât Anutune makto Mosenne hin kulengoep, “Abraham gângât nanne Isakagât kâlegenlupne amâ gângât pat akbai.” ⁸ Den aregât keine hin tatâp. Abrahamgât kâlegen gâtne hârok âmâ Anutune mândulupnerâm bo yenjonmap. Anutune makmâ hâriewân miawagi yâkneak Abrahamgât kâlelupne bunne agion. ⁹ Aregât Anutugât denne hin talep a bunne agep, “Homban kaknân sop miawakto Sara nanan mem mandoân purikatbian.”

¹⁰ Akto areâk bo. Rebeka âmâ luâkne hakunenne Isaka yâk olop manmâ nanan lâuwâ megolak tepne agep. ¹¹ Tepne akto nanan lâuwâ bo miawakmâ maliat ain bâlene me âlepne bo agialân Anutune yâk yetgât hin magep, “Teunande eminjaet hon manbiâp.” ¹² Amâ Anutu ikinne hanjaet den are kârikne agâk gât nânğâm nanan manman yetjaet bo makmâ kârigiep. Ikinjaet hanjaet mem potat yelekmâ kinmâ hain magep. ¹³ Aregât Anutugât den bikne hin tatâp, “Nâne Yakobo âmâ han kalem aganmâ okot âlep nânğân. Dâ Esau âmâ hâkân agandân.”

¹⁴ Akto aregât gain dâweren? Anutune wan me wan mendo bo ârândân akmap? A borondâne.

¹⁵ Uliknân Anutune Mose hin maganep,

“Luâk me âmbâle siâ are okot âlep agandere ârândân akmap. Akto luâk me âmbâle siâ han kalem agandere ârândân akmap.” dâep.

¹⁶ Aregât keiņe hin. Anutuņe luâk hanyenâet me âiyenâet bo nângâyengimâp. Anutu ikiņe han kalemñaelâk nângâm makmâ potat nenekmap.

¹⁷ Aregât keiņe Anutugât denņande Parao hin maganep, “Nâ gângâlân kârikņene mem miap pandere hân ârândân ariâkgât dâm kat gegân.” ¹⁸ Aregât Anutuņe âmâ luâk siâ han kalem aganberâm âmâ âlepņe aganbiap. Dâ luâk siâ han biwiņe gisapkoanberâm âmâ âlepņe gisapkoanbiap. Amâ ârândân akmap.

Yuda luâkņe Anutu hamianĳi.

¹⁹ Are oyanmâ yengâlân gâtņe siâņe hin makniņbiap mon? “Anutuņe wan me wan akberâm dâmbo luâkņe bo miawagâk gât horat kalanbiapgât dop bo tatâp aregât Anutuņe luâk nengât nângâmbo bâlimap are bo ârândân aktâp.” dâm makniņbiap mon? ²⁰ Wei gâmâ luâgâk. Wangât Anutu den hâuņe maganbiat? Aregât den dopņe hin makbe. Wangât umbâņe luâk umbâ mângimâp are hin maganbop, “Gâ wangât tiripne hain are mânginegen?” ²¹ Aregât umbâ mângimâp luâk arekņe hân numņe mem umbâ bikņe luâk yâk yengât pat mângiwop. Dâ bikņe dua bau yâk yengât mângimbo ârândân akbiap. ²² Amâ Anutuņe kuk akto kârikņene tektekñân kato ekbaigât umbâ bikņe hogom panyekbiapgât nângâyengim bo hâkân akyengiep. ²³ Hain akyengim umbâ bikņe han kalamñâet pat maleine beirâ egâlian pagalenân kâmot katnenegâk gât nângâmbo

yendâp. Umbâ are nengâlân egâlian unsambe nengiepgât menenekmâ manmap. ²⁴ Dâ aregât amâ Yuda luâk âmbâleâk bo. Hân siâ siâ Yuda luâk bo manmai aregât nen han kalemñaet pat aknegât oloŋ nenegep. ²⁵ Akto Anutuŋe propete Hosea hin maganŋo kulemgoep,

“Luâk kâmot ambo bo akyenġiân yâk nânġât luâk âmbâlelupne yenġonmâ makyenġiwian. Akto âmbâle okot han kalemŋe bâlâk malep yâk nânġât dâtâne dâm konbian.”

²⁶ Akto den siâ hin,

“Nâŋe ye nânġât luâk âmbâlelupne bo dâm makyenġiân ain kotyeŋe Anutu manman amboŋaet nanne baratne yenġonbian.” dâep.

²⁷⁻²⁸ Dâ areâk bo. Yesaiaŋe Israegât hin magep, Kembuŋe hânân denŋaet bunŋe dowâgâk mem miap pando kârigeŋiâp aregât Anutuŋe hin dâep, “Israegât kâlelupŋe haruân nupi yendâp aregât dop miawakmâ manbai nâŋe hutŋânba konok konok mem oloŋyektere manman âlepŋân manbai.” dâep.

²⁹ Akto Yesaiaŋe beirâ miawakbiapgât hin magep,

“Humonenŋe kâmot kârikŋe Humo Amboyenande hutnennânba konok konok bo oloŋ nenekto dâine âmâ Sodom Gomora itinġ gulam giat hain are akbâen.”

Yuda luâkŋe âlepŋe aknegât ewum hâumgoyi.

³⁰ Aregât ire gain dâweren? Hin mon? Luâk Anutugât kotŋe bonânġâmaine âlepŋe akŋetgât bo nânġâmâk watmâ manmai yâk âlepŋe manmaigât memai. Are amâ Kristo nânġanġmaigât memai.

³¹ Dâ Israe luâk den kârikne lokom kinbiâ Anutune yekto huraguâkgât kârikne agi. Kârikne akmâ den kârikne bo lokom âlepne bo akmâ âmâ umale agi. ³² Amâ wangât? Hingât. Yuda luâk âmbâle arekne Kristo nângâ anbaigât pat bo wali. Yân agak memeyene aregât âlepne aknegât hain agi. Are amâ dâwân kât yiep ain keiyene kondo kâwâwân kârâyi. ³³ Aregât Anutune hin makto Yesaiane kulemgoep,

“Nângâi. Nâ Sion gimbânân kât siâ katere tatbiap. Arekne keiyene erâmbo pen panyekbiap. Akto kât humo katberân ain kom hewewen panbai. Dâ siâne nânganbiap âmâ bo pâpkom anjun angiwiap.”

10

Yuda luâkne Anutugât den hâkâne dâyi.

¹ Galama, nângât kâmot Yuda luâk âmbâle are Anutune meyekbiapgât hannande dondâ hâwât nekto Anutu aregât ulilanman. ² Amâ yâkne Anutugât âi mendenne huraguâk dâm kârikne akmâ manmai. Dâ amâ pâpkom kinmâ akmai. ³ Yâkne Anutugâlân ba dosa bâlâk aknegât dâp yendâp aregât pâpkomai gât yenjeak âlepne aknegât âine kârikne memai. Hain akmâ Anutune yekto huraguâk gât dâp hâkân akmai. ⁴ Aregât keine hin. Kristone den kârikne are lokombo bo agep. Aregât luâk âmbâle siânbanje Kristo nânganbiâ âmâ Anutune dosayene bo dâm yengonmap.

⁵ Aregât Mosenje hin kulemgoep, “Luâk siâ den kârikne are hârok lokore Anutune nekto huraguâk gât manbiap yâkne den kârikne hârok lokombo

âmâ âlepñe manmanân manbiap.” ⁶ Dâ Kristo nânğanbiâ Anutuñe yekto huragumap gât den hin yendâp, “Niñande himbimân âgâm Kristo mem oloñdo gewiap? ⁷ Me niñande hememân gem Kristo momoñe yâk yengât hutyenânba oloñdo gawiap? Ye hain bo dâwai.” ⁸ Anutuñe magep hin tatâp, “Anutugât denñe kâlewângen bo tatâp. Enemân akto biwigân yendâp.” Are amâ biwi kat katgât den pat âlepñe nânğanetgât makyengimaen. ⁹ Amâ Yesu amâ Kembune dâwiat akto biwigân Anutuñe Yesu momonânba mem agalep dâm nânğâm kepilâwiat benñe Anutuñe hengem gugumbo manman âlepñân manbiat. ¹⁰ Aregât han nenñande Yesu nânğanmâ amâ dosa bâlâk manmaen. Akto launenñande makmâ miap panmâ mandenñe Anutuñe hengem nengumap. ¹¹ Aregât Anutugât denñande hin dâep, “Siâñe nânğanbiap amâ bo pâpkom anjun angiwiap.” ¹² Amâ Yuda me Girik luâk potat potat bo yendâp. Humo Kembu konokñe amâ hârokgât Kembunenñe mandâp. Yâkñe luâk me âmbâle bikñande yâkgât kotñe konbiâ amâ ainâk han kalem akyengim wan me wan âlepñe potatmâ yengiwiap. ¹³ Aregât Anutugât denñande hin dâep, “Niñe me niñe Kembu kondo amâ ainâk Anutuñe mem hengemgo anbiap.” ¹⁴ Gârâmâ luâk âmbâleñe amâ Kristo bo nânğanmai amâ gain gain kotñe konbai? Akto siâñe Kristogât keiñe bo makyengimbo amâ gain gain nânğanbai? Akto den pat âlepñe makmaen nengâlân gâtñe konokñe bo arim makyengimbo amâ gain gain den pat âlepñe nânğâwai? ¹⁵ Akto Anutuñe bo hunğunañdo amâ

gain gain arim makyengiwiap? Anutuŋe makto siâŋe hin kulemgoep, “Pat âlep den makmak luâk togombiâ âmâ, munŋande han nâŋgâ nâŋgânenŋe mem owâimap.”

Anutuŋe Yuda luâk âmbâle yenŋondo bo nâŋgaŋi.

¹⁶ Den pat âlepŋe ire amâ luâk hârokŋe bo nâŋgaŋmâ bunŋerâm kepilâyi aregât Yesaiaŋe hin magep, “Kembu, den pat âlepŋe makmâ miawaktenŋe siâŋe bo nâŋgaŋmâ kârigiep.” dâep. ¹⁷ Aregât hin nâŋgâweren. Siâŋe Kristogât pat makyenŋimbo den bunŋe nâŋgâmaen. Akto den bunŋe nâŋgâenŋe amâ biwi kat katgât miawakmap. ¹⁸ Gârâmâ aregât hin aiyenŋuân. Luâk âmbâle amâ den pat âlepŋe are bo nâŋgâyi mon? Hain bo. Anutuŋe makto siâŋe hin kulemgoep.

Denyenŋande hânŋe hânŋe sambelem ârândân agep. Akto den lauyenŋande hân tunŋunŋangen ârândân agep.

¹⁹ Aregât gaetŋe hin aiyenŋuân, Israe luâk bo nâŋgâm heŋgemgoyi mon? Hain bo. Ulikŋân Mosenŋe hin kulemgoep,

“Anutuŋe hin dâep, Nâŋe luâk yânŋe meyektere ye ewangiyekbiâ nâŋgâmbiâ bâliwiap. Akto luâk kâmot bo nâŋgâ niŋbai are olonyektere yekmâ biwiyeŋe kâlâp akbiap.” dâm kulemgoep.

²⁰ Akto beirâ Yesaiaŋe den umatŋe mem gem makmâ âmâ bo aŋun aŋim hin dâep,

“Anutuŋe hin dâep, Bo kulâgât nekmâ maline penâniŋi. Nâŋgât bo makmâ mali yâk yenŋât mete katyenŋiân.” dâep.

21 Hain akmâ Yesaianje Israe luâk yâk yengât hin makmâ kulemgöep,

“Anutunje hin dâep, Nâ luâk kâmot nângâm gulip agakne akto den kokone sop kâlep ganjet dâm yengonmâ mandere bo togoyi dâep.” dâm kulemgöep.

11

Anutunje Yuda luâk bikneâk ikinjaet pat meyegep.

¹ Aregât nâ hin aiyenguan, Anutunje Yuda luâk hârok hepunnenegep mon? Bo. Hain bo agep. Amâ nâkai Israe gâtne manmâ gan. Akto hakune amâ Abraham. Akto nâmâ Bensamin kâmolân gâtne mandân. ² Anutunje Israe bo hepun ne-negep amâ hingât. Uliknân luâk nângâyengim potatyegep amâ bo hepun yekmap. Amâ ye Anutugât denne are bo oyanmâ nângâmai mon? Eliane Israe luâk yâk yengât akmâ Anutu hin dâm maganep, ³ “Kembu, Israe luâkne propete yengum âmâ sumbe kat katgât are patakomp itinj gulam meyi. Dâ nuneâk mandere gai nuguwerâm aktâi.” ⁴ Hain dâmbo den hâunje gain purikalanep? Hin. “Nâ luâk 7,000 koratyengure lâpio kotne Baali yâkgât bo kângoanji.” ⁵ Anutunje hain dâepgât hin nângâne. Anutunje han kalem akmâ Yuda luâk bikne mem kepilâ yegepgât mandâi. ⁶ Aregât Anutunje han kalemjaet akyengiep. Akyengiep gât âmâ agak meme yenjaet bo akyengiep. Hain bo akto dâine âmâ han kalemne bunne bo akbop.

⁷ Akto gain gain nângâweren? Israe luâk yâkne Anutunje nenekto huraguâkgât kulâgâtâmâ âi humo meyi, are bo mem miawagi. Dâ Anutunje mem

kepilâ yegep yâkne âmâ meyi. Bikne humo âmâ Anutuŋe makto biwiyeŋe kârik agi. ⁸ Aregât Anutugât denŋân hin tatâp,

“Anutuŋe han yeŋe mem gâlikoep. Akto dewunyeŋe gai mem limbâpkoeŋ. Akto ondopyeŋe mem gisapkoep. Gisapkombo gam gam maleine unjak hainâk yu mandâi.

⁹ Akto Dawidiŋe hin dâep,

“Anutu, gâŋe makmenâ sot nem tatbiân âmâ sot akto kat katyeŋande lâlâmbâlân dowâk peŋ panmâ yeŋguâk. Akto wan me wan agigât hâŋe hân dâpŋân gewai hainare miawakyenŋiwiapgât makmenâ miawagâk. ¹⁰ Gâ dewunyeŋe mem limbâp komenâ dewun bok akbai. Dâ hamiyenŋe mem gonŋonŋomenâ pâit pâitŋe akmâ manmâ âgâwei.” kulemgoep.

Anutuŋe kâmot siân gâtŋe ikinŋaet pat meyegep.

¹¹ Akto hin aiyenŋuân. Israe luâk yâkne mokmok mem peŋ panmâ mom bo akbaigât hain miawagep mon? Hain bo. Israe luâkne bâleŋe agigât Anutuŋe Israe gâtŋe bo manmai meyegep. Meyekto âmâ beirâ Israe gâtŋande Israe gâtŋe bo manmai manman âlepŋân manmai are yekbiâ bâliwiapgât. ¹² Akto Israe luâk âmbâle bâleŋe agi aregât den pat âlepŋe hânŋe hânŋe ârândân arim metiep. Akto Israe luâk âmbâle yeukŋe akbiâ Anutugât pat bo miawakyenŋiep gât Yuda luâk bo manmai yâk yeŋgâlân den bunŋe peniyenŋiep. Yei, maleine Anutuŋe Yuda luâk hârok meyekbiawân âmâ hârok bunŋe miawaknengiwiap.

¹³⁻¹⁴ Galalupne, hinŋe Yuda luâk bo manmai ye den ire makyenŋire nânŋâŋet. Nânŋât kâmot

hâwât yektere biknande nâ watnekmâ âlepne aknetgât Yuda luâk bo manmai yenğât Aposolo manman. Akto âine egâlian kaknân meman. ¹⁵ Akto Anutuñe Israe luâk hepunyegep gât âmâ Anutuñe hân ârândân manmai yâk meyegep. Arekne Israe luâk meyekbiawân amâ momonân ba golâ manbaengât miawakbiap. ¹⁶ Akto sot ulikne Anutu wardenne mendâp benne sot hârok ârândân akmap. Dâ lâwin kândârânande ârândân yendo gai bât bâtne gai hainâgâk ârândân yembiap. ¹⁷ Den ginne siâ hin makbe. Anutuñe bât bâtne bikne hârem panmâ aregât welamñân oliwa pâlonângen miawagep aregât bâtne gâ Yuda luâk bo manmat oliwagât tuñe membiatgât katgekmâ dewatigegep. ¹⁸ Aregât gâne lâwin bât bâtne tâmbâne Yuda luâk yâk bo nângâyengimenâ gembo âmâ agat agat bo akben. Hain akbâtgât hin nângâwen. Gâ lâwin kândârâne are bo damunne akmâ heñgemgomat. Kândârâne Yuda luâk arekne ge tân gugumai. ¹⁹ Gârâmâ hin dâwerât mon? Anutuñe nângât akmâ katmâ dewatinegâk gât bât bâtne tâmbâne are lingâtmâ palep. Panmâ nâ dâgâm dewatinegep. ²⁰ Gâ Yuda luâk bo manmat amâ bundâk maktât. Anutuñe Yuda luâk manmai arekne bonânğanj gât hârem panyegep. Dâ gâmâ Anutu nânğanmatgât kindât aregât hâkge bo mem agatmâ âmâ kângom manben. ²¹ Amâ Anutuñe oliwa ikinje bât bâtne bo yaigoepgât gâ hainâgâk bo yaiguguwiap. ²² Aregât gâ han kalemgât akto Anutuñe hâmbiñ yekmapgât bo nelâmginbiap. Hâmbiñ yegepgât den bunne hamianj yâk yenğâlân hâñe miawagep. Dâ han kalemñaet bunne are

âmâ gânğâlân emelâk miawagep. Aregât gâ yâkgât han kalemñaet akmâ nânğanmâ manmenâ bunñe âlepñe miawakbiâp. Dâ hain bo akmenâ âmâ gâ gai hârem pan gekbiap. ²³ Akto bât bânñe tâmbânñe yâkñe biwi kârikyenâet hepunbaiân Anutunñe lâuwânñe dewatim katyekbiap gât kârikñe talañdâpgât meyekmâ dewatim katyekto ârândân akbiap. ²⁴ Akto Anutunñe oliwa kâit mengekma oliwa emesa lâwinñân dopyenñe bo tatâp ain katmâ dewatim katgegepgât bo pâpkomap. Aregât oliwa emesa ikinñe bât bânñe gaetñe mem dewatiyekbiapgât âmâ âinñe owânñe akbiap.

Anutunñe Yuda luâk han kalem akyenñiwiapgât keinñe.

²⁵ Galalupne, ye yenâet nânğâ nânğâyenñe nânğâmbiâ humo akbopgât den iregât keinñe makyenñiwe. Anutunñe Israe luâk bikñe han biwiyenñe gisapkoep. Gisapkombo âmâ beirâ Yuda luâk âmbâle bo manmai dondâ Kristogâlân dewatimbiâ âmâ ²⁶ âlepñe Anutunñe Israe luâk kâmot hârok meyekto âlepñe akmâ metewai. Aregât den Anutunñe makto Yesaianñe hin kulengoep,

“Sion gimbânânba luâk siânñe hengenngom nengiwianñe miawakmâ Yakobo gâlânba gagap higenñe hambunñe uruto ariwian. ²⁷ Hain akto nâ bâlenñe yenñe puliwianân ain nâ olop manbaigât makmâ hâreyenñiwian.”

²⁸ Israe luâkñe amâ Yuda gâtñe bo manmai yâk yenğât akmâ pat âlep dengât gasa manmai. Dâ Anutunñe ikinñe han kalemñaet akmâ kepilâ yekbiapgât akto hakulupnenñe yâk yenğât akmâ okot

âlep dondâ akyengimap. ²⁹ Amâ Anutunje wan me wan nengimap are akto oloŋ nenekmap aregât pat bo hilipkombo yeukŋe akmap. ³⁰ Ye ulikŋân den koko akmâ mali akto Israe luâk yâkŋe gai den koko akmâ mali aregât Anutunje ye han kalem akmâ meyegep. ³¹ Hainâgâk Yuda luâk yâkŋe han kêrik akmâ den koko akmâ manmâ gayi Anutunje ye han kalem akyengiep gât yâk gai hain kalem akyengiwiap. ³² Anutunje luâk hârok den konogân manmai dâm nâŋgâm heŋgemgoep aregât luâk hârok oloŋ nenekmâ han kalemŋân katnegep.

Anutu humo yâk konok mepaiŋe membaen.

³³ Yei Anutugât han kalem unsambe akto nâŋgâ nâŋgâŋe humo agat agatŋe talanmap aregât bâtgumŋe pikmâ yeanmap. Yâkŋe makmâ kepilâ kepilâ akto makmâ kotgâ kotgâŋaet keiŋe luâkŋe bo nâŋgâwâen. Dâ âi memenjaet dâp are gai luâkŋe bo ekmâ heŋgemgomaen. ³⁴ Kembugât hanŋân den yendâp, are luâk niŋande nâŋgâep? Dâ Kembunje den makmâ kindo ain niŋande dengât tângom magep? ³⁵ Dâ niŋande wan me wan Anutu wanŋo ârândân agepgât hâu are kutigilanbiap? ³⁶ Amâ siâ me siâ hârok yâkgâlânba togomap. Akto yâkŋe wan me wan ketugumbo ârândân akmap. Akto yâkŋe hârok damunŋe akmap. Aregât egâlian pagalenje yâkgâlân dewatim dewatim yem âgâwiap. A bundâk.

12

Hâknenŋande Anutugât sumbe akbiâp.

¹ Aregât galalupne nâ Anutugât han kalemñaet akmâ den sami makyengire nângânet. Ye hâkyeñe Anutugât sumbe golâ kotgâm wanbiâ nângâmbo âlepñe ârândân akto ekto huraguwiâp. Hain akbai âmâ Anutu hoñ manman bunñe manañniâm. ² Akto agak memeyeñe hângâlâk nângâm manmai dop are bo akbiâp. Anutuñe hanyeñe nângâ nângâyeñe mem purikatberâmbo owâi akmâ nângâmbiâ humo agâkgât Anutugât han âlepñe ârândân are miawakyekto ekmâ egâlianbei.

³ Anutuñe han kalem niñep gât ye hârok makyengire nângânet. Siâñe ikinjaet nângâmbo âgâ âgâñe bo akbiâp. Anutuñe den dâtânje wando nângaño dop areâk akbiâp. Amâ ikinjaet nângâmbo humo bo akbiâp. ⁴ Amâ hin nângânet. Hâk pânñenñe amâ konok. Dâ kei bâtnenñe biwirânje âi keiñe keiñe memai. ⁵ Aregât dop hainâk nen amâ dondâ dewatienñe hâk pânñenñe konok aktâp. Aregât kei bâtnje tân agu agu akmaen. ⁶ Anutuñe wan me wan keiñe keiñe han kalemñaet akmâ nengiep are ârândân tatnengiep. Aregât dopñân âi meniâm. Aregât Anutuñe den lau makmâ miawakbiapgât Anutu nângañmaengât dopñân makmâ miawakbaen. ⁷ Anutuñe hoñ manman âi nengiep amâ âi are kârikñe akmâ owâiñeâk akmâ membaen. Siâñe Anutugât den makmâ kepikmâ makyengimap amâ âi are membiâp. ⁸ Biwiyeñe gewop gât den sami makmap yâk aregât kârikñe yeandâpgât makbiâp. Dâ luâk siâñe âmâ galalupñe wan me wan yenjiwerâm âmâ hâuñjaet bo nângâm yân han kalem akmâ yenjiwiâp. Dâ luâk siâñe Yesugât puligât damunñe

akmâ luâk âmbâle umburuk yenjiwerâm âmâ biwi owâinjeâk akmâ dowâk tânyenjuwiâp. Bikne kundatdâne umatnânâk manmai are siâne okot nânğanmâ tângowerâm âmâ mâru guru kaknân tângowiâp.

Han kalemgât den.

⁹ Han kalem agak are hâkneak bo akbei. Siâ me siâ bâlenjaet hâkân yekbiâp. Dâ siâ me siâ âlepjaet âmâ egâlianbei. ¹⁰ Ye gala agak bunne akmâ han angi goangi aknetgât kârikne akbei. ¹¹ Konam bâlâk kârikneâk manbei. Biwi yenjande owâiâkgât damungom manbei. Kembunenne hon bawa aganbei. ¹² Anutuñe wan me wan katyenjiep aregât nânğâm egâlianmâ manbei. Dâ hâk hilâlâm kaknân manmâ âmâ bo hâkân akmâ manbei. Akto hokboâk hokboâk Anutu ulilanmâ dewatim mem manbai. ¹³ Kristogât luâklupne umburuk manbai âmâ dowâk wan me wan bo talañbiap are wañbei. Akto lombo togombiâ âmâ dowâk owâinjeâk gala akyenjiwei.

¹⁴ Bikñande yengum watyekbiâ âmâ yâk yengât akmâ Anutu ulilanbei. Sait den bo makyenjiwei. ¹⁵ Bikñande herone marone manbiâ âmâ yâk olop herone marone akmâ tân yenguwai. Dâ bikñande indem tâgâiak akbiâ âmâ are tânyengum olop indewei. ¹⁶ Hanyene mendugum kinmâ siâ me siâ konokgât han kalem akmâ manbei. Yenjaet nânğambiâ dondâ bo âgâwiâp. Nen gegene dâmai are dowâk tânyengum manganyekbei.

¹⁷ Siâne bâlene akyengimbo âmâ bâlene bo aganbei. Dâ luâk âmbâle hârokne wan nânğambiâ ârândân akbiap âmâ areâk nânğâmâk manbei.

¹⁸ Ye han kau kau akmâ luâk âmbâle hârok gala akyengim manbei. Amâ bikñande hâkânginbiâ âmâ hanâk dosane bâlâk manbe dâm gala akyengiwei. ¹⁹ Galama, bikñande kuk hengân akyengimbiâ âmâ dosayeñe yeñeak bo makmâ hâreangim manbei. Kembuñe kuk are hâuñe meâkgât lâmgom manbei. Aregât Anutugât denñande hin dêep, “Dosa kotgâ kotgâgât âi amâ nângât. Aregât dosayeñe mem hâuñe yengiwan.” dêep. ²⁰ Gârâmâ ye hin akbei. Gasagande sotgât momberân dâmbo sot wanben. Tugât nângâm dâmbo tu wanben. Gâ hain akmâ âmâ kâlâp kautñân katbiat dop hainare miawakyengiwiap. ²¹ Bâleñande gâ bo mem ge katbiâp. Aregât gâ siâ me siâ âlepñe akmâ bâleñe aregât kârikñe komenâ gewiâp.

13

Kiap gawaman yengât den.

¹ Humomolupnenñe, kiap, gawaman akto kaunsoli âmâ Anutu konok arekñe luâk nengât damunnenñe manbeigât katyegep aregât nen hârok yâk yengât den lokoenñe ârândân agâk. ² Aregât luâk siâñe gawaman yâk yengât den kom âmâ Anutugât den gai kombiap. Hain akbai âmâ hâuñe membai. ³ Amâ hingât. Humomolupnenñande amâ agak meme âlepñe bo mem ge katmai. Dâ agak meme bâleñe aregât hâuñe yengimbiâ hamewakmâ manmai. Aregât gâñe humomolupnenñe yengât akmâ hamep bâlâk manberâm kinmâ siâ me siâ ârândân akben. Siâ me siâ ârândân akmenâ gângât nângâmbiâ ârândân akbiâp. ⁴ Gawaman nenñe

amâ Anutugât hon bawa manmâ tân gugumbiâ âlepņe manbiatgât âi memai. Gârâmâ gâ bâleņe akmâ membiat amâ hamewakben. Yâk bugâ hanâk bo konmai. Bo. Yâk amâ Anutugât hon bawa manmai aregât bâleņe meme luâk yâk yenġâlân Anutugât kuk miawakyenġiâp dâm âi mem kinmâ hâuņe yenġiwai. ⁵ Aregât den lauyenē lokom hēngemgowei. Are amâ Anutunē hâuņe nengiwiapgât hamep gâlâk bo. Amâ guge hangande mokmok membopgât hangande kau kau akbiâp.

⁶ Anutunē damun âi damunyenē agep are memaigât yenē gawaman puli dâtânē are yenġimai. ⁷ Aregât yenē yâk wan makmâ hâreyi are ârândân yenġiwei. Puligât dâtânē magi are dopņân puli yenġiwei. Dâ hon manmangât dâtânē makmâ hâreyi amâ hon manyenġiwei. Kânġo nenginjet dâm hâreyi amâ hainakmâ akyenġiwei. Lau nenņe lokowei dâm hâreyi amâ lau yenē lokowei.

Gala konok mannegât den.

⁸ Akto siâ me siâgât hâu are dowâk kotgâmbiâ bo akbiâp. Dâ hâu konok tatyenġiwiâp amâ hin, han kalem akmâ okot anġi goanġi akņetgât membiâ bo bo akbiâp. Aregât han anġi goanġi olop manmapņe amâ den kârikņe lokomapgât dop akmap. ⁹ Anutugât denņande hin maktâp, “Luâkdâ âmbendâgât pat bo hârewen. Gâ bugâ bo komben. Gâ kâmbu bo memben. Gala siâgât siâ me siâ are nânġât bo dâwen.” Den kârikņe aregât bikņe hârok mendugum kautņe konok katmâ hin dâep, “Gâ guge tân agumat dop hainâk luâk siâ tângowen.” ¹⁰ Han anġi goanġi olop manbiapņe

âmâ galane bâlene bo aganbiap. Aregât han kalem akmâ okot âlep akyenjiwaen âmâ den kârikne hârok lokowaengât dop miawakbiap.

Pagalenjân manbaen.

¹¹ Akto hain aknetgât sop iregât keine nângâi. Nen ulikjân Kristo nângandenje hejgem nenguwiapgât dâp miawaktâp. Dâ hinje hejgem nengum metewiapgât sop ewumâk aktâp. Aregât asinjâmba golâ akmâ agatbei. ¹² Hândâk pipine akto emet haunberâmngât hândâkgât siâ me siâ gunmâ panmâ âmâ pagalenjaet tembe mâron meakmâ manbaen. ¹³ Yanep pagalenjân manmaenne ârândânjâk manniâm. Are amâ sot songo nem munen bo akbaen. Akto tu kârikne nem gulip bo akbaen. Akto agak meme bâlene anjun olowâk are bo mem manbaen. Me gasa akmâ bo potalakbaen. Me siâgât nângâenne bo bâliwiâp. ¹⁴ Gârâmâ Kembu Yesu Kristo yâk luguakmâ âmâ benje hâkyenande egâlian bâlene penianjbopgât nângâmâk nângâmâk manbei.

14

Galagât nângâmbiâ bo gewiâp.

¹ Galalupne, luâk âmbâle bikjande Kristo getegâk nânganmai are dowâk gala akyenjiwei. Âmâ galagât heyengienne penânengimbiâ ain nângâ nângâyenje gewiapgât papalakmâ manbaengât bo. ² Luâk siâ biwi kat kat kârikne talanmapne âmâ sot hârok hanâk nemap. Dâ siâ biwi kat kat yeukne talanmapne âmâ gârânjâk nemap. ³ Aregât luâk siâne sot hârok nemapne âmâ galane songo bo nemap aregât bo nângando gewiâp. Akto

luâk songo bo nemapne amâ galañe sot hârok nemap are den âiân bo katmâ kotgâ anbiâp. Amâ Anutuñe galañe gala agañepgât. ⁴ Aregât gâ wangât Anutugât lau lokomapne den âiân katbiat? Amâ bo ârândân akbiap. Yâk amâ Anutu Humoñaet enemñân kinmâ kârikñe akbiap me yeukñe akbiap. Are amâ Kembugât pat. Gârâmâ hin nângâne. Humoñe âlepne tângombo kârikñe akmâ kinbiapgât bo yeukñe akbiap. ⁵ Hainâk luâk siâ hilâmngât âi meme siâ nângâmbo gembo siâ nângâmbo humo akmap. Dâ luâk siâ amâ âi meme hârok nângâmbo ârândân akmap. Aregât siâ me siâne hin me hain akberâm nângâm hengemgom kârigem kinmâ akbiâp. ⁶ Hilâm âi meme oyanmâ potatmapne amâ Kembugât akmap. Dâ Anutu mepainje memapgât Kembugât pat akbiap. ⁷ Aregât keñe hin. Nengâlânba siâne ikinje kârikñân bo manbiap. Dâ ikinjaet akmâ bo mombiap. ⁸ Manman nenñe amâ Kembugât akmâ manmaen. Dâ mombaen amâ hainâk yâkgât akmâ mombaen. Aregât manbaen me mombaen are amâ Kembugât pat.

⁹ Akto Kristoñe momoñe akto golâ yengât kautñe akmâ damun nenñe akbiapgât mom amâ golâ agep. ¹⁰ Akto gâ wangât gala den âiân katmâ hâkñe tunmâ akmat? Me wangât galagaet nângâmenâ gewiap? Nen hârok Anutuñe makmâ hârenengiwiapgât tat tatgât enemñân kinbaen aregât galagaet bo makmâ kotgâwiat. ¹¹ Anutugât dennande hin dêep.

Kembuñe hin dêep, “Nâ mandângât luâk âmbâle hârokñe nâ pâwut liginiñbai. Akto hârokñe

kotnaet nângâmbiâ humo akto makmâ mem owâiñe ketugunekbai.” dêep.

¹² Aregât nen hârok Anutugât metenân kinmâ keinennje makmâ miawakbaen. ¹³ Aregât nen nenñeâk den âiân bo makmâ bo hâk nenñe tunmâ anji goanji akbaen. Dâ hin aktenñe ârândân agâk. Galalupnenñe han gulip akbâigât wan me wan bâleñe dâpyenân bo katenñe keiyeñe bo peñ panbei. ¹⁴ Nâ Kembu Yesu olop mandân aregât hin nângâm kêrigeân. Sot siâ siâ nendere amâ bâleñe bo akniñmap. Gârâmâ siâñe sot siâ me siâ ire nem bâleñe miawak niñbop dâm amâ hanâk nembiañ yâk amâ bundâk bâleñe miawaganbiap. ¹⁵ Aregât gâñe galagât sotgât bo nângâm hanoko agañmenâ hanñe mokmok membiâp amâ han kalemñe pat bo akmat. Galage âlepñe agâkgât gai Kristoñe yâkgât akmâ moep. Aregât nângâm galagande sotgât nângâmbo umatñe akmapgât nângâmâk akmâ nem manben. ¹⁶ Ye siâ me siâ membiâ ârândân akmap are luâk bikñande nângâmbiâ gewopgât damunñe kêrikñe akmâ manbei.

Sot songoñe manman kêrikñe tñ bo akbiâp.

¹⁷ Akto luâk âmbâle bikñe Anutunje damun nenñe akmap sot bikñe sapa aktenñe ârândân akbiap dâm amâ Anutugât keiñe bo nângâmai. Anutunje damun nenñe akmap aregât keiñe amâ hin. Anutunje nenekmâ dosayeñe bo dâm ikinje Heak nengimbo tñ nengumbo Anutunje denân bo katnenekbiap dâm heronje aktenñe biwinenñe sândugemap. ¹⁸ Siâñe dâp are tâlim Kristo hon mananjo are Anutunje ekto âlepñe akbiap. Akto luâk bikñande

gai nânğanbiâ ârândân akbiap. ¹⁹ Aregât nen gala tân agu agu akmâ kindenñe biwinenñe sândugeâkgât kârikñe akniâm. ²⁰ Gâ sotgât akmâ Anutugât âi are bo itin gulam memben. Amâ sot songo are âlepñe hârok. Gârâmâ gâ hanâk hanâk nem manmenâ galagande gekto bo ârândân akto hanñe bâlimbo âmâ bâleñe miawakginbiap. ²¹ Gâ galagaet nânğâ nânğân gâlikowâtgât yâkgât akmâ songo akto wain tujê hâkân akmenâ ârândân akbiâp. ²² Aregât siâ me siâ hain aregât nânğâm âmâ hangân yendâp are Anutugât metenân mem manmenâ gugaet biwigânâk yembiâp. Aregât siân ikinjaet nânğâmbo ârândân akto âmâ ikinje den âiân bo kalakto biwinê sândugembo heronje akmap. ²³ Dâ siân sot songo hanokoagân nendo bâliwiap. Amâ hingât. Yâk Kristo nânğanđo huraguepgât bo nânğâm nemap aregât. Akto siâ me siâ are biwi kat kat olop bo aktenñe dosanê olop akbiap.

15

Yesugât nânğâ nânğâ watmâ manbaen.

¹ Galama, kârikñe olop manmaen nenñe âmâ yeukñe manmai are sokom katyektenñe ârândân akbiâp. Sokom katyekmâ âmâ nenjaet nânğâ nânğâ nenñân bo maniâm. ² Nen galalupnenñe yâk yengât nânğâmâk âlepñe akñet akto Kristo nânğanbiâ humo agâkgât tânyenğuniâm. ³ Aregât keinje hin. Kristonje âmâ hainâgâk ikinje ukenñe bo walep. Dâ Anutugât denñande hin maktâp, “Anutu, gâ hâkânge dâm dâyi yâk yengât den are nânğât kaknân âgâep.” dâep aregât den walep. ⁴ Are tâmbânê dondâ den makmâ kulemgoyi

are Anutugât keiŋe nâŋgâm heŋgemgone gât kulemgoyi. Anutugât kulemŋe hârokŋe mem kârikŋe mânginenekmâ mem owâinenekto siâ me siâ nengât pat dâtâŋe nâŋgâenŋe biwinenŋe owâiwiapgât kulemgoyi.

⁵ Anutuŋe kârikŋe aknengimapgât akto mem owâinenekbiap gât ambonande akyeŋgimbo Yesu Kristogât dopŋân han nâŋgâ nâŋgâ konok akmâ manbaigât ulilandân. ⁶ Ulilandere akyeŋgimbo han biwiyeŋe mendugumbo Kembu Yesu Kristo yâkgât Eweŋe Anutu mepaiŋe mem manbai. ⁷ Aregât Anutugât kotŋe humo agâkgât Kristoŋe meyegep dop hain âgâk ye gala agaŋgim manbei. ⁸ Aregât hin makyenŋiwe. Anutuŋe hakulupnenŋe den pat âlepŋe makmâ heŋgemgom makyenŋiep are bunŋe miawagâkgât Anutuŋe amâ den bunŋeâk makmap a hârok nâŋgâŋetgât Kristoŋe Yuda nengât akmâ hoŋ bawa aknengiep. ⁹ Hain aknengim amâ Yuda luâk âmbâle bo manmai yâkŋe Anutuŋe han kalemŋaet akyenŋiepgât mepaiŋe mem heroŋe agaŋbiâ kotŋe agatbiâp. Aregât Anutugât denŋe bikŋe hin tatâp,

“Nâŋe Yuda luâk bo manmai yâk yeŋgât hutyeŋân kinmâ mepaige mem kinmâ kep kom kotge patŋe makmâ egâlianbian.”

¹⁰ Akto den siâ hin tatâp,

“Yuda luâk bo manmai yeŋe Anutugât kâmotlupŋe olop makmâ heroŋe maroŋe akbei.”

¹¹ Akto siâ hin,

“Yuda luâk bo manmai ye hârokŋe Kembu makmâ mepaiŋe membei. Dâ luâkŋe luâkŋe hârokŋe yâkgât akmâ owâiŋe agaŋbei.”

¹² Akto Yesaianje hin kulemgoep,

“Lâwin penâne Yesegât kâmne siâ miawakmâ yâkne Yuda luâk bo manmai damunye akto nânğanbiâ biwiyene owâine akbiap.”

¹³ Galama, Anutune biwi owâi aknengimapgât Amboje yeje nânğanigât akmâ wâtjande totokoyekto herone marone nânğâmbiâ biwiyene sândugembo Heakgât kârikne yejngimbo himbingât nânğâm owâine akmâ manmâ âgâwaigât ulilandân.

Paulone âi âlepnaet mârune agep.

¹⁴ Galalupne yeje han kalemyene yendâp are akto Anutugât keje âlepne nânğâm hengemgomai aregât yenjak mem kârigeakbaigât bo pâpkowai. Are keiyene nânğâm hengemgoân. ¹⁵ Hain nânğân gârâmâ hanâk Anutune han kalemnaet ninpgât den bikne meteâk kulemgom kinmâ Anutugât keje nânğayengiân. ¹⁶ Yesu Kristone Yuda luâk bo manmai yâk yengât akmâ âi membiangât wâtne ninep. Aregât akmâ Anutugât pat âlep denjaet sumbegât âi mendere Heakne hanyenân han kâmdâk katyengimbo Kembangât sumbe akbiâ Anutune ekto ârândân akbiap. Amâ Yuda luâk bo yâk yengât. ¹⁷ Aregât Anutugât âi man are Yesu Kristogât akmâ nânğare agat agat akmap. ¹⁸ Âi are âmâ nunaet kâriknân wannande membom. Bo. Yesu Kristone Yuda luâk bo manmaine Anutugât lau lokowaigât wâtne ninep aregât âi mem makyengiman. ¹⁹ Akto kulem bo egekne keje keinaet kârikne akto Heakgât kârikne aregât akmâ Yerusalem kepiamba Kristogât keje makmâ hân hârok ândeanmâ makmâ sambelem

arire Ilurikon hânân ârândân agep. ²⁰ Hain akmâ luâk bikne yengât âi kalamân gaetne membomgât Kristogât keine bonângâmai ain kârikne akmâ makyengiwerâm aktere humo akmap.

Paulone Roma kepia ewangim Sipen ariwiapgât magep.

²¹ Anutugât denne bikne hin tatâp. Aregât dopnân akman,

“Siâne yâkgât pat bo makyengimbiâ manmâ gayi yâkne yâk ekbai. Dâ yâkgât patne bo nângâm gayi yâkne yâk nânganbai.”

²² Den aregât akmâ yengâlân togowerâm kindere sop ârândân wan me wan siâne dâp tigininep. ²³ Dâ manmâ gan ain yengâlân togowerâm hannande nângâm malân aregât akto hân iregen âine bo tatnindâpgât. ²⁴ Sipen hânân ariwerâm akmâ yengâlân togowerâm nângân. Togom ye olop makmâ kârikneâk tân agum akmâ dâp hengemgom katnekbiâ hepunyekmâ owâineâk Sipen hânân ariwian. ²⁵ Gârâmâ hinne âmâ Yesugât kâmot Yerusalem manmai yengât akmâ puli mem arim yengiwerâm aktân. ²⁶ Amâ hingât. Makedonia hân akto Akaia hânân gâtne Yesu nânganmai, Yesugât kâmot Yerusalem kepien umburuk manmai yâk tânyenguwerâm owâim puli kali. ²⁷ Amâ han kalem yenjaet akmâ katbiâ ârândân agep. Yuda luâk bo manmai amâ Yesugât den pat amâ Yuda luâk yâk yengâlânba nângâyigât hâne potatmâ yengimbiâ ârândân akbiâp. Hain dâm herone akmâ puli kali. ²⁸ Puli katbiâ huraguep are mem Yerusalem kepien arim yengire bo akto Sipen hânân ariwiangât yengâlân

son togowian. ²⁹ Aregât hin nângân. Nâ yengâlân siâ me siâ bâlâk bo togowian. Kristonje meme akniņmap are mem togom yengire nângâm âmâ heronje maronje manbai.

³⁰ Galalupne, Kembunenņe Yesu Kristogât akmâ akto Heakgât han kalemgât akmâ ondop pâron den makyenģiwe. Ye nângât akmâ nâ olop Anutunje tânnuguâkgât wârakmâ Anutu ulilanbaen.

³¹ Ye nângât ulilanbiâ âmâ Yuda hânân gâtņe Anutu bonâņganmai arekņe menekbâigât Anutunje bâtyenânba mem oloņnekbiap. Akto Yesugât kâmot Yerusalem ain manmai yengât akmâ puli kali are mem yengire ukenņe agâkgât ulilanbei. ³² Hain ulilanbiâ Anutunje nângâyengim meme akniņdo heronje akmâ yengâlân togom tatere biwi owâiâk akniņbai. ³³ Anutu lumbe Ambonje âmâ ye olop manbiâp. A bundâk.

16

Paulonje Roma yengât nângâyengim malep.

¹ Galalupne, âmbâle siâ kotņe Poibe yâkņe Yesugât kâmot Kenkereaı kepiān manmai tânyenģum manmap. Yâkņe yengâlân togombo ye dowâk gala aganbai. ² Gala aganmâ Kembugât akmâ âmbâle arekņe nâ akto bikņe dondâ hoņ bawa nengiep aregât wan me wan bo talanbiap are dowâk mem wanmâ tângowei. ³ Akto luâk âmbâi lâuwâ Akuila akto Pirisila Yesu Kristogât âiņaet tân nugumandat yâk maņgan yelekņet. ⁴ Yâk lâuwâ âmâ nângât akmâ âi humo mem hâk hilâlâm nângâm bâsok moyiat. Aregât nâņeak bo, Kristogât kâmot Yuda bo manmai kâmotnenņe yâk

yetgât okot âlep nângâyetkim manden. ⁵ Yâk yetgât emelan Kristogât kâmot mendugumai are nângât akmâ mangan yekbei. Akto galane siâ kotņe Epaineto Asia hân humo ain ulikņân akmâ Kristo nângaņep yâk gai manganbei. ⁶ Akto âmbâle kotņe Mariane yeņgât akmâ âi humo miep aregât yâk gai hainâk manganbei. ⁷ Akto nângât kâmolân gâtņe lâuwâ Androniko akto Yunia ulikņân nâ Kristo bo nângaņân sop ain nângaņiat. Akto beirâ tembe lokoņe hiko negi sop ain hainâk katyelekbiâ nâ olop talion. Hain akmâ manmâ gambela nen Aposolo manmaen nenņe yâk yetgât heroņe akmaen aregât nângât makyetkiwei. ⁸ Akto nâ Humogât akmâ luâk siâ kotņe Ampiliato yâkgât okotne nângân aregât manganbei. ⁹ Akto Urbanoņe Kristogât âi meyonân olop miep yâk akto galane Sitaki manganyelektân gât makyetkinet. ¹⁰ Apeloņe Kristogât akmâ âi humo mem bo hâkâņ agep are nen hârok nângâenņe ârândâņ agep yâk akto Aristobulo yâkgât kâmot gai mangan yekbei. ¹¹ Akto Yuda luâk galane Herodiongât akto Narikisogât kâmot bikņe Humogât akmâ manmai yâk yeņgât nângâre âgâp aregât mangan yekbei. ¹² Akto âmbâi lâuwâ Tiripaina akto Tiripose Kembugât akmâ âi humo mem mandat, yâk akto âmbâle siâ Peasi arekņe Humogât âi mem hâk hilâlâm nângâep yâk hârok mangan yekbei. ¹³ Kembuņe luâk siâ kotņe Rupu oloņep yâk akto yâkgât memenē dop akmâ tân naguep yâk lâuwâ lâuwâ mangan yelekņet. ¹⁴ Akto luâk kotyeņe Asinjkrito, Pilegoņ, Hereme, Patoroba, Herema akto Anutugât kâmot bikņe olop manmai yâk

manjanyekñet. ¹⁵ Akto luâk âmbâi lâuwâ Pilorogo akto Yulia akto luâk siâ Nereo akto gariñe akto luâk Olumpa akto Kristogât kâmot yâk olop manmai yâk hârok manjan yekñet. ¹⁶ Yekai hainâk Kembugât akmâ bâtyeñe koanjiñet. Akto hânñe hânñe Kristogât kâmot yâkñe yengât nânğâ yengim mandâi.

Miti luâk hianjim yengât sami magep.

¹⁷ Galalupne, yengât hutyenân gâtñande ye umatñân manmâ potalakbaigât gâlikoyekberâm akmai luâk are yengât nânğâm heñgemgom damun akmâ hamep akbei. Yâkñe Kristogât keñe ye nânğâ meteyi are mem gulip kowerâm manmai aregât hamiyengim yâk bonânğâ yengiwei. ¹⁸ Luâk hain arekñe Kembu nenñe Kristo hoñ bawa bo agañmai. Amâ yenjaet tep yenjaet nânğâmbiâ agato aregât hoñ agañmai. Akto luâk âmbâle biwiyene bo damunñe akmai yâk makyengim mulun yekmâ heyengimbiâ biwiyene gulip akmap. ¹⁹ Dâ ye âmâ Kristogât den lokomai aregât patñe kepia ârândân sambelem arimbo nânğâm meteyi aregât yengât akmâ herone akman. Herone akmâ âmâ yengât han kau nânğâm hin akñetgât makyengiwei. Siâ me siâ âlepñae biwi owâi kakñân manbei. Dâ siâ me siâ bâlenñande hâwât yekto âmâ bo nânğanbei. ²⁰ Ye hain akmâ manbiâ âmâ sop kâlep bo aktoân Anutu biwiyene sândugeâkgât ambonñande Niambi keiyene amukñân hâkokombo tâliwai. Kembunenñe Yesu Kristogât han kalemñe yengâlân yembiâp.

Gala den.

²¹ Galane Timoteo bât tângone akto Yuda kâmotlupne yengâlân gâtne Lukio, Yason, Sosipate yâkne yengât nângâyengiâi.

²² Akto nâ Teatio, nâ kulem ire Paulone makniŋdo kulemgoân nâne Kembangât akmâ nângâ yengiân.

²³ Gaione nâ Paulo akto kâmot hârok in tân nengumap hainâk yengât nângâ yengiâp.

Akto luâk Erastone kepia iregât puli damunne akmap akto gala nenne Koato yâkne hainagâk ak-tat.

Anutu akto Nanŋe Yesu yetgât kot humo.

²⁴ Kembu nenne Yesu Kristo yâkgât han kalemne yengâlân yem âgâwiap. A bundâk. ²⁵ Anutugât pat âlep makman akto Yesu Kristogât kot makmâ sam-beleman, aregât dowân Anutune tânyenguwiapgât bo pâpkomap. Akto kârikne meyekbiapgât kârikne talaŋdâp. Anutu manman kâriknaet denne amâ yonâk yem gam malep amâ hinne miapnân mi-awagep. ²⁶ Anutugât propetelupŋande Anutugât den keiŋe kulemgoyi talep are hinne Anutu man-man kârikne Ambonande makto hânne hânne sam-belem ariep. Amâ hânne hânne manmaine Kristo nângaŋmâ Anutugât lau lokowai gât Anutune makto miapnân sambelem ariep. ²⁷ Aregât Anutu ikeŋe han nângâ nângâ humo talaŋdâp konok are Yesu Kristogât akmâ egâlianŋe humo makmâ agaŋdenne yem âgâwiâp kârikne. A bundâk.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

03f82704-6ad1-5094-a78e-e240d9f2d4f8